

REFERAT AIA - Aningaasaqarnermut Inuussutissarsionermullu Ataatsimiititaq d. 10-04-2019

Mødedato Onsdag d. 10. april 2019 kl. 18:00

Mødested Kommunalbestyrelsep ataatsimiittarfia

Indholdsfortegnelse

| | |
|---|----|
| Saqqaa..... | 3 |
| Oqaluuserisassat akuerineqarneri..... | 4 |
| Siulittaasumit nalunaarutit..... | 5 |
| Ilisimatitsissutit..... | 6 |
| Kommuneqarfik Sermersuumi pissutsinik eqqunngitsuusorisanik saqqummiussisarneq pillugu aalaj | 7 |
| Pisiniartarnermut tunngasut pillugit nassuiaat..... | 10 |
| Aalajangiiffigisassat..... | 13 |
| Restaurant EAT imigassanik kimittuunik kimikitsunillu sassaallii-nissamut akuersissummik type B- | 14 |
| Suliat Kommunalbestyrelsimut ingerlateqqitassat..... | 17 |
| Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqumr | 18 |
| Qamuteralaat pillugit ileqqoreqqusaq..... | 22 |
| Kommunimut pilersaarummut tapiliussatut siunnersuut, 2B1-1 Industrivej, Nuuk, Nuussuaq..... | 26 |
| Pilersaaruseriornermut periusissiaq P18..... | 30 |
| Tasiilami utoqqaat illuata inissatigut allineqarnissaa..... | 34 |
| Suliassamut tunngavissaq..... | 38 |
| Eqqumiitsulianik Saqqummesitsivik pillugu malittarisassat..... | 41 |
| Kulturi pillugu politikki..... | 45 |
| 2020-mut missingersuusiornissamut maleruagassat..... | 48 |
| Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq..... | 52 |
| Mitsimmavik, Nuummi inissialiorfissaq nutaaq..... | 55 |
| Kommunimut pilersaarummut tapiliussaq O9 Akuersissuteqarfik Qussuk/ Narsarsuaq, Nuuk..... | 60 |
| Taasariaqartut allat..... | 65 |
| Suliat matoqqasut..... | 66 |
| Lukket..... | 67 |
| Lukket..... | 68 |
| Imaqarniliap akuerineqarnera..... | 69 |

Punkt 0: Saqqaa

Ilaasortat

Asii Chemnitz Narup (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Randi Vestergaard Evaldsen (D)

Peter Davidsen (S)

Jens Kristian Berthelsen (S)

Beslutning

Ilaaniarnatik nalunaartut:

Randi V. Evaldsen (D)

Harald Bianco (IA)

Knud Mathiassen (IA)

Taartissatut nalunaartut:

Justus Hansen (D)

Oqarasuaatikkut ilaasut:

Charlotte Pike (IA),

Henrik Rachlev (IA).

Punkt 1: Oqaluserisassat akuerineqarneri

Beslutning

Oqaluserisassat akuerineqarput.

Punkt 2: Siulittaasumit nalunaarutit

Siulittaasumit nalunaarutit

Beslutning

2a.

1. Tromsø Kommune, piffissami juunip 2. – 5. 2019, Kommuneqarfik Sermersuumut Nuummi tikeraassaaq. Tikeraarnermi programi kingusinnerusukkut nassiuuneqassaaq.
2. Ulloq 8. marts 2019, qinersinnermut siulersuisut ataatsimiippat, qinersisitsisunik akuersineq aamma aalajangiisarnerni piginnaasat ilaannik allaffissornermut tunniussineq sammineqarput.
3. Ulloq marsip 19-iat NAKUUSA-mi siunnersuineramik ingerlatsisoq, Meeqqat Siunnersuisoqatigiivi; Naalackersuisunut, Borgmesterinut Inatsisartunut, Inatsisartut siulittaasuannut inunnullu suliamik ingerlatsisunut piunasaqaammik tunniussippat. Tunniussineq kommuneqarfiup ataatsimiittarfiani ingerlanneqarpoq. Piunasaqaat januaariip naanerani Ilulissani ataatsimeersuarnermi suliarineqarpoq, tassani meeqqat 13-init 18-inut ukiullit 35-t apeqqut sammisaat tassaavoq: Peqqinneq inuunerissaarnerlu suuppat? Piunasaqaat sisamanik erseqqissunik innersuussutitaqarpoq, politikerit qanoq iliorlutik Kalaallit Nunaanni meeqqanut inuusuttuaqqanullu pitsannorsaanermik suliaqarnissaannut tunngasunik. Qitiutinneqartoq tassaavoq FN-imit nunarsuarmioqatigiinnut anguniaqquneqartut pingajuat: Peqqinneq aamma atugarissaarneq.
4. Ulloq marsip 19-iat borgmesterit ataatsimoorlutik ataatsimiinnerat ingerlanneqarpoq. Ataatsimiinnermi attaveqaatersuutit pillugit ataatsimeersuarneq aamma kiffartuussineramik isumaqatigiissutit oqaluuserineqarput. Ataatsimiinnerup tullia maajimi politikikkut ataqatigiissaarisooqatigiit ataatsimeeqatiginerannut atasumik ingerlanneqassaaq.
5. Ulloq marsip 25-at Kultureqarnerup siuarsarneqarneranut Ataatsimiititaq ataatsimiippoq tassani Sermip aningaasaateqarfianut qinnuteqaatit 32-t suliarineqarput. Qinnuteqartunut qulinut 1.143.800kr agguanneqarput.
6. Ulloq marsip 26-at Borgmesterip nunaqarfimmi siulersuisut siulittaasuunik oqarasuaat aqqutigalugu qaammatit pingasukkuutaartumik ataatsimiittarnermik ingerlatsivoq.
7. Ulloq marsip 29-at Borgmesteri Sermersooq business Councilsip siulersuisut ataatsimiinneranni nalinginnaasumi peqataavoq.
8. Ulloq marsip 30-at 2019, Kommuneqarfik Sermersuumi Borgmesteri NGO-nut, meeqqat inuusuttullu qitiutillugit isumasioqatigiinnermik mikisumik ingerlatsivoq. Siunertarineqarpoq NGO-t suliniutaasa tamakkiisumik ilisimaneqalernissaat aamma NGO-t Kommunillu akornanni oqaloqatigiiffimmik pilersitsineq. Taamatuttaaq Borgmesterimit kissaatigineqarpoq, qanoq iliorluni kommunip siunissami NGO-nik suleqateqarnissaanut isumassarsianik pissarsinissaq. Meeqqanut Ilaqutariinnullu Ataatsimiititami siulittaasoq, Meeqqanut Atuarfeqarnermullu Ataatsimiititami siulittaasup tullia aamma Isumaginninnermut Suliffeqarnermullu Ataatsimiititami siulittaasoq isumasiorqatigiinnermi mikisumi peqataapput. Taamatuttaaq ingerlatsivinnit naapertuutunit allaffissornermit peqataasoqarpoq.
9. Ulloq apriliip 8-at Borgmesteri Ilinniartitaanermut, Kultureqarnermut Ilageeqarnermullu Naalackersuisumit Anne Lone Baggerimit ataatsimiinnissamut aggersarneqarpoq, oqaluuserisassani pingaarnertut perorsaasunik amigaateqarneq inissinneqarsimavoq.
10. Ulloq apriliip 3-at Borgmesteri Kalaallit Nunaanni UNICEF-imi suliniutinut pisortamik nutaamik ataatsimeeqateqarpoq, maanna UNICEF Danmark Kalaallit Nunaanni allaffeqalermat. UNICEF tassaavoq FN-ip Meeqqanut suliniaqatigiiffia aamma nunarsuarmi meeqqat pisinnaatitaaffiinik suliassaqarfiit annersaat. Ataatsimiinnermi suliniutinut pisortamit UNICEF-ip Kalaallit Nunaanni nutaamik atuuffeqalernera eqqartorpaa.
11. Ulloq apriliip 4-at Borgmesteri aamma Meeqqanut Atuarfeqarnermullu Ataatsimiititami siulittaasup tullia ulluunerani meeqqaanut paaqqinnittarfimmi angajoqqaat sinniisuinik angusaqarfiulluurtumik ataatsimeeqateqarput. Ataatsimiinnermi tunngaviuvoq Meeqqanut Atuarfinnullu Ingerlatsiviup Nuummi ulluunerani paaqqinnittarfinni angajoqqaat sinniisuinik ulloq 23.01.2019 ataatsimeeqateqarnerat, tassani angajoqqaat politikerinik ataatsimeeqateqarnissamik kissaateqarput, ulluunerani meeqqanik paaqqinnittarfinni unammilligassat oqaluuseriumallugit.
12. Ulloq apriliip 10-at nal. 19.00-21.30, Kalaallit Airports International A/S Katuami paasissutissiilluni ataatsimiititsineramik ingerlatsissaaq Nuummi atlanti ikaarlugu mittarfimmik nutaamik pilersitsisoqarnissaanut tunngasumik. Borgmesteri tikilluaqqusilluni oqalugiassaaq.

Punkt 3: Ilisimatitsissutit

Punkt 03A: Kommuneqarfik Sermersuumi pissutsinik eqqunngitsuusorisanik saqqummiussisarneq pillugu aalajangiineq

Beslutning

Ilisimatitsissut tusaatissatut tiguneqarpoq , imannak naqqiuserlugu:

"Saaffiginnissut Kommunaldirektørimut tunngassuteqarpat borgmesteri akuutinneqassaaq"

Bilag

Bilag-1_27088_KAL.docx

Kommuneqarfik Sermersuumi pissutsinik eqqunngitsuusorisanik saqqummiussisarneq pillugu ilisimatitsissut

Ilisimatitsissut

J.nr.: 10.25.02-A26-1-19

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliassamik eqikkaaneq

Kommuneqarfik Sermersuumi pissutsinik eqqunngitsuusorisanik saqqummiussisarneq pillugu aaqqiissuteqartoqarpoq (Whistleblowerordning), tassani naleqartitat, tamakkiisumik ammasuunissaq piunarsaatillu annertuut, Kommuneqarfik Sermersuup ilisarnaatigisai, tapersorsorneqarlutillu siuarsarneqassapput. Tamanna kommunalbestyrelsip siuliisa aalajangerpaat, maannalu atuutilersinneqarlunilu kommuninut sulisunut tamanut kiisalu kommunalbestyrelsimi ilaasortanut nalunaarutigineqassaaq. Aaqqissuussaq kommunimut taamaallaat atuuppoq.

Kommunimi sulisut kommunalbestyrelsimilu ilaasortat inatsimmik imaluunniit allanik malittarisassanik unioqqutitsinernik unioqqutitsisorisanilluunniit imaluunniit annertuumik kukkuluttornernik malittarisanillu malinninngitsunik toqqiissimasumik nalunaaruteqarsinnaanissaat aaqqissuussamit qulakkeerneqarpoq.

Kiisami pissutsinik eqqunngitsuusorisanik saqqummiussisarneq pillugu suliarinnittoqarpoq, taannalu ilisimatitsissutitut ilanngunneqarpoq.

Nalunaarutit tamarmik avataaneersumit misissuisartumit, kommunaldirektørimut Sulisoqarnermut Immikkoortortaqaarfimmi aqutsisumit ikiorneqarluni, suliarineqarlutillu misissorneqartassapput. Nalunaarutit kommunaldirektørimut imaluunniit Sulisoqarnermut Immikkoortortaqaarfimmi aqutsisumut tunngappata, pineqartut misissuineri peqataasassanngillat.

Inassuteqaatit

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Aningaasaqarnermut Inuussutissarsiornermullu Ataatsimiititamit pissutsinik eqqunngitsuusorisanik saqqummiussisarneq pillugu nalunaarut tusaatissatut tiguneqassasoq
- Aningaasaqarnermut Inuussutissarsiornermullu Ataatsimiititamit Kommuneqarfik Sermersuumi aaqqissuussaq 1. maaji 2019-imi atuutilersinneqassasoq tusaatissatut tiguneqassasoq
- pissutsinik eqqunngitsuusorisanik saqqummiussisarneq pillugu aaqqiissut (Whistleblowerordning) Kommunilbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Aaqqiissuteqarnermut siunertaavoq unioqqutitsinernut allatullu annertuumik malittarisassanik malinninnginnernut tunngatillugu ammasuunissamut ersarissuunissamillu qulakkeerininnissaq, sulisut kommunalbestyrelsimilu ilaasortat paasissutissanik tunniussisut illersorneqarnissaat kiisalu paasissutissat tunniunneqartut pitsanngorsaanernik pitsaaliuinerinullu atorineqarnissaannut qulakkeerininneq kiisalu kukkuluttornernik unioqqutitsinissamullu pinaveersaartitsinissamik qulakkeerininneq.

Aaqqiissut kommunimi oqaloqatigiittarnernut ammasuunernullu tunngatillugu tapertatut isigineqassaaq. Periarfissat nalinginnaasut ilagaat ilaatigut nammineq aqutsisorisamut, sulisut sinniisaannut imaluunniit sulisup nammineq kattuffimmut ilaasortaaffigisaanut saaffiginninnerit.

Pissutsinik eqqunngitsuusorisanik saqqummiussinissamut aaqqiissut periarfissaavoq sulisup aqputit nalinginnaasut atornissaanut toqqissisimangikkuni atorsinnaasaa imaluunniit aqutsisumut saaffiginnissimagaluarluni pissutit iliuuseqarfigineqanngippata sulisup atorsinnaasaa.

Aaqqiissummi nalunaarutininik nalunaarsuisarneq atortorissaarut GotEthics atorlugu pisassaaq – taassumalu sumulluunniit attuumassuteqanngitsup internetikkut atassusiisartup isumannaatsuunissaq kinaassutsimillu isertuussinissaq qulakkeertassavaa.

Aningaasaqarnermut Allatseqarfimmit oqaaseqaatit

Suliffeqarfimmut Kiffartuussivimmi Aningaasaqarnermut Allatseqarfik allanik oqaaseqaatissaqanngilaq.

Oqaaseqaatigineqartut allat

Oqaaseqaateqanngillat

Ilanngussaq

1. Kommuneqarfik Sermersuumi pissutsinik eqqunngitsuusorisanik saqqummiussisarneq

Punkt 03B: Pisiniartarnermut tunngasut pillugit nassuiaat

Beslutning

Ilisimatitsissut tusaatissatut tiguneqarpoq.

Bilag

Redegørelse indkøb 2018 kal dk.docx

Pisiniartarnermut tunngasut pillugit nassuiaat

Upernaaq 2018

Ilisimatitsissut

J.nr.: 10.00.01

Ingerlatsivik – Suliffeqarfimmut Kiffartuussivik, Kommunaldirektøri Lars Møller-Sørensen / LMS

Suliassamik eqikkaaneq

Kiffartuussigasuarterfimmil Pisiniarnermut Isumaqaatigiissutinillu aqutsinermut Immikkoortortaq ukiut tamaasa januaarimi/februaarimi ukiumut qaangiuttumut immikkoortortami suliat pillugit nassuiaasiortarpoq. Unalu tassaavoq nassuiaatit sisamassaat (Ukiumoortumik nalunaarut).

Ullumikkut kommunimi pisiniarniarnermut immikkoortortaq tamakkiisumik atuutlernikuuvoq, sulisutigut aningaasatigullu pitsaanerpaamik atuinissamik siunertaqarneq assut ingerlalluarpoq, aningaasartuutit annikillineqarnissaat suli anguniarneqarpoq, neqeroortitsisarneq aamma annertunerusumik unammilleqaatigiissitsinissamut suliniutit ingerlalluarput kiisalu pisiniarfigisartakkanut, siunissami pisiniarfigisartagassanut kommunimilu aqutsisunut sulisunullu nutaaliorneq kiffartuussinerlu ingerlalluarpoq. Nunaqarfinni, Paamiuni, Tasiilami Nuummilu kommunip isumaqaatigiissutai tamakkiisumik sammineqarnissaat qulakkeertarparput. Kommunimi ataatsimoorussamik pisiniartarnermut isumaqaatigiissut tamakkiisumik suli atornerqarpoq.

Suliniutini annertuuni arlalinnut tunngatillugu 2018-imi suliniutit arlallit naammassineqarlutillu peqataaffigineqarput. Isumaqaatigiissutit arlallit pillugit isumaqaatigiinniarnit ingerlanneqarput - naleqarnerusunillu pissarsisoqaqqilluni, taakkulu kinguneraat aningaasartuutiniq ikilisaanerit 6,2 MIO DKR.-nik miss. nalinginut. Taamatut aaqqissuussamik pisiniartarnerit assigiinngitsunik allanik pitsaasunik kinguneqarportaaq, assersuutigalugu paaqqinnittarfinni atuarfinnilu pisariaqanngitsunut atuinnginnikkut piffissaqarlualernermik kinguneqarpoq, saniatigullu nioqqutaasartut assigiinngitsut sukannersumik assigiissarneqarput.

Tamatuma saniatigut immikkoortumi periusissiaq nutaaq 2021-p tungaanut atuuttusaaq 2018-imi akuersissutigineqarpoq. Anguniagassat pingaarnit tassaassapput;

1. immikkoortoq aqutsisunit suli sammineqassasoq
2. kommunip iluani suleqaatigiinneq suli pitsanngorsarneqassasoq
3. qarasaasiaq atorlugu pisiniartarneq pisiassanillu inniminniisarneq pitsanngorsaavigissavarput
4. periutsit pisiniartarnerillu nutarsarneqarnissaat qulakkiissavarput, pingaartumik suliniuteqartoqartillugu nioqqutissat nutaat alaatsinaaffigineqarsinnaapput.

Najukkami suliffeqarfinnut tunngasut pitsanngorsaavigerusuppagut – pisortat pisiortortarnerannut atatillugu ilisimasaniq tunniussuinikkut kiffartuunneqassapput. Nunatsinni inatsisip nutaap 2019-imi atuutilersinneqarnissaa aamma naatsorsuutigaarput.

Taamatuttaaq nassuiaammi allanneqartutut avatangiisimut ajoqutaanngitsunik pisiortortarneq annertunerusumik sulissutigineqassaaq.

Inassuteqaatit

Suliffeqarfimmut Kiffartuussivimmit Aningaasaqarnermut Inuussutissarsionermullu

Ataatsimiititamut inassuteqaatigineqarpoq:

- Kommuneqarfik Sermersuumi 2018-imi Pisiniartarnermut tunngasut pillugit nassuiaat ataatsimiititamit tusaatissatut tiguneqassasoq

Suliassamik saqqummiussineq

Pisiniartarnermut Politikki politikikkut akuersissutigineqartoq tunngavigalugu, 24. septembari 2014-imi akuersissutigineqartoq, ukiut tamaasa qinikkanut ersarissumik nalunaarusiortassaagut / nassuiaasiortassaagut.

Aningaasatigut sulisoqarnikkullu naliliinerit

Pisiortortarnermut Allaffimmit aningaasartuutininik ikilisaanermit angusat ataavartumik naatsorsortarneri ingerlatiinnassavai. Taamaaliornikkut erngertumik missingersuutaareersut iliuuseqarfingineqarsinnaassapput.

Inatsisitigut tunngavissaq allakkallu tunngaviusumik uppernarsaatitallit

Kommuneqarfik Sermersuumi Pisiniartarnermut Politikki, 24. septembari 2014 akuersissutigineqartoq, 13. aggusti 2015-imi allannguutit ilanngullugit. Kommuneqarfik Sermersuumi Pisiniartarneq pillugu Periusissiaq, 13. aggusti 2015-imi akuersissutigineqartoq kiisalu Kommuneqarfik Sermersuumi 2021-ip tungaanut Pisiniarneq Ataqaatigiissaarinerlu pillugit periusissiaq 2018-imi akuersissutigineqartoq.

Ingerlariaqqinnissaq

Pisiortortarnermut Allaffimmit Kommuneqarfik Sermersuumi immikkoortortaqarfimmik misissuisarneq ingerlatiinnarneqassasoq, tassani annertunerusumik unammilleqatigiissitsinissamut periarfissaqarnerisululu aningaasartuutininik annikillisaasoqarsinnaanersoq pillugu naliliinissaq siunertaralugu. Tamatuma saniatigut periusissiap nutaap akuersissutigineqarsimasorlu tamakkiisumik atuutilersinneqarnissaa qulakkeerneqassaaq.

Aningaasaqarnermut Allatseqarfimmit oqaaseqaatit

Suliffeqarfimmut Kiffartuussivimmi Aningaasaqarnermut Allatseqarfik allanik oqaaseqaatissaqanngilaq.

Oqaaseqaatigineqartut allat

Oqaaseqaateqanngillat.

Ilanngussat

1. Kommuneqarfik Sermersuumi Pisiniarnermut Isumaqaatigiissutinillu aqutsinermut tunngatillugu 2018-imut nassuiaat

Punkt 4: Aalajangiiffigisassat

Punkt 04A: Restaurant EAT imigassanik kimittuunik kimikitsunillu sassaallii-nissamut akuersissummik type B-mik qinnuteqaat

Beslutning

Inassuteqaat akuerineqarpoq.

Restaurant EAT imigassanik kimittuunik kimikitsunillu sassaallinissamat akuersissummik type B-mik qinnuteqaat

Aalajangiiffigisassaaq

J.nr. 70.06.00

Suliffeqarfimmi Kiffartuussineq - Kommunaldirektøri Lars Møller -Sørensen / LMS

Suliassamik eqikkaaneq

Imigassanik kimittuunik kimikitsunillu sassaallinissamat akuersissummik Type B-mik Restaurant EAT Aqqisunersuaq 7 B 297, 3900 Nuuk sinnerlugu Michael Winberg-ip, qinnuteqaataa Suliffeqarfimmi Kiffartuussiviup tiguaa.

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsionermullu Ataatsimiititamat inassuteqaatigaa:

- Restaurant EAT-mut imigassanik kimittuunik kimikitsunillu sassaallinissamat akuersissut type B pillugu qinnuteqaat akuersissutigineqassasoq.

Suliassamik saqqummiussineq

Imigassanik kimittuunik kimikitsunillu sassaallinissamat akuersissummik Type B-mik Restaurant EAT sinnerlugu Michael Winberg-ip qinnuteqaataa Suliffeqarfimmi Kiffartuussiviup tiguaa.

Kalaallit Nunaani Politiit, Qatserisartoqarnermut oqartussaasut, Meeqqanut Ilaqutariinnullu Ingerlatsivik kiisalu Peqqinnermut Pitsaaliuinerimullu Immikkoortortaq oqaaseqaatissaqanngillat.

Inatsisilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu Kommunalbestyrelsimiit nalunaarutigineqassanersoq allaaserineqarpoq:

- Suliffeqarfimmi kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit assigisaallu imigassanik kimittuunik sassaalliteqartussaasariaqanngillat. Taamaattorli sassaalliisartut imigassanik kimikitsunik sassaallertarnissaannut Kommunalbestyrelsimiit aalajangerneqarsinnaavoq.

Inatsisilerituutaaq nassuiaatigaa, ingerlatsisussaataitanermut assigiimmik tunngaveqarnissaq Kommunalbestyrelsimiit qanoq unioqutitsisoqarani saneqqunneqarsinnaanersoq:

- Najugaqarfiit eqqaanni sassaalliisartarfiit nutaat Kommunalbestyrelsimiit illoqarfiup pilersaaruserneqarnera naapertorlugu itigartissallugit nalunaarfigisinnaavai
- Sumiiffimmi arlalinnik sassaalliisarfeqartoqarpat Kommunalbestyrelsimiit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani imigassartunnginnermik siuarsaanissamat tulluurtuusut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimiit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut.

Aaqqiissutissatut siunnersuut – suliatigut naliliineq

Imigassanik akuersissuteqarnissamut siullermeerluni qinnuteqarnermi paasissutissat pisariaqartut tamaasa pissarsiarineqareerput. Suliffeqarfimmi Kiffartuussivik Restaurant EAT sinnerlugu Michael Winberg-ip, imigassanik kimittuunik kimikitsunillu sassaallinissamut akuersissummik type B-mik tunineqarnissaanut piumasaqaatit naammassineqartutut nalilerneqarpoq.

Aningaasaqarnikkut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Inatsisitigut tunngavissaq allakkallu tunngaviusumik uppersaatitallit

- Imigassaq pillugu Inatsisartut inatsisaat nr. 35, 23. november 2017.
- Init imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atornerarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

Ingerlariaqqinnissaq

Aningaasaqarnermut Inuussutissarsiornermullu Ataatsimiititap akuersissuteqarneratigut malittarisassat periutsillu atuuttut naapertorlugit Restaurant EAT sinnerlugu Michael Winberg-ip imigassanik kimittuunik kimikitsunillu sassaallinissamut akuersissummik type B-mik qinnuteqaat tunineqassaaq. Suliffeqarfimmi Kiffartuussiviup imigassanik tuniniaasinnaanermut sassaallertarnermullu akuersissutinut atatillugu allaffissorneq akisussaaffigaa.

Aningaasaqarnermut Inuussutissarsiornermullu Ataatsimiititap itigartitsissutigissappagu qinnuteqaateqartoq Qinikkanik Allatseqarfimmi Suliffeqarfimmi kiffartuussiviup aalajangiineq pillugu kiisalu naammagittaalliorsinnaanermik ilisimatinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaaqatigiinneq

Soqanngilaq.

Ingerlatsivinniit allaniit oqaaseqaatigineqartut

Sanarfinermut Avatangiisinullu Ingerlatsivik: Sumiiffik inuussutissarsiornermut akuerineqarpoq.

Ilanngussaq

Soqanngilaq.

Punkt 5: Suliat Kommunalbestyrelsimut ingerlateqqitassat

Punkt 05A: Kommunitut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia

Beslutning

Inassuteqaatit akuerineqarput.

Bilag

1C37-1_Forslag_KAL.pdf

Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia Inissisimaffik nutaaq

Aalajangiiffigisassaq

J.nr.: 16.03.01.01-P16-18-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussatut siunnersuut 1C37-1 naapertorlugu Nunatta Eqqumiitsulianik Saqqummersitsiviata sanaartorneqarnissaa piviusunngussaaq, taavalu immikkoortup ilaata 1C37-mut nutaamut nalinginnaasumik aalajangersakkat allaaserineqarput Kommunimut pilersaarummut tapiliussassaq naapertorlugu Nunatta Eqqumiitsulianik Saqqummersitsivia pingasunik quleriinngorlugu portunerpaamillu nunamiit 15 meterinik portussuseqassaaq. Tamatuma saniatigut kommunimut pilersaarummut tapiliussassaq naapertorlugu sanaartornermi sumiiffiup avatangiisai sukisaarsarfiusussallu pingaartinneqarput, matumani sissaq sinerlugu aqqusineeqqap immikkoortua 2 ilanngullugu.

Pilersaarutip inissisimavissaa arlaleriarlugu allanngortinneqarpoq, ingerlatsivimmili Nunatta Eqqumiitsulianik Saqqummersitsiviata siulersuisui suleqatigalugit isumaqatigiissutigineqarpoq, inissisimaffissatut maannakkut siunnersuutigineqartoq pilersaarummut tulluarluinnartuusoq.

Suliaq Sanarfinermut Avatangiisinullu Ataatsimiititap 25. marsip 2019-imi ataatsimiinnerani oqaluuserineqarpoq, ataatsimiititalu inassuteqaatit akuersissutigai suliarlu inaarutaasumik akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Inassuteqaatit

Sanarfinermut Avatangiisinullu Ingerlatsiviup Aningaasaqarnermut Inuussutissarsionermullu Ataatsimiititamut inassuteqaatigaa:

- siunnersuut, Kommunimut pilersaarummut tapiliussatut 1C37-1 Nunatta Eqqumiitsulianik Saqqummersitsivia sapaatip akunnerini arfineq pingasuni tamanut tusarniutigisassanngorlugu akuersissutigineqassasoq
- Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Nunatta Eqqumiitsulianik Saqqummersitsivia titartaasartunik unammisitsisoqarnerata kingorna Nuummi sumiiffinni assigiinngitsuni inissisimanissaanik siunnersuuteqartoqartarpoq. Pilersaarutip ilusilersugaanera titartaasarfik BIG-imit suliaavoq, taanna Nuummi titartaasarfik TNT Nuuk peqatigalugu 2011-mi unammisoqarnerani ajugaavoq.

Siorarsiorfik pillugu pilersaarutip ingerlanerani siunnersuutigineqarpoq, Nunatta Eqqumiitsulianik Saqqummersitsivia Nuup arsaattarfissuata eqqaaniitineqassasoq. Nunatta Eqqumiitsulianik Saqqummersitsiviata siulersuisui oqaloqatigereerlugilli taakku inissamik nutaamik nassaarput. Kommunimut pilersaarummut tapiliussatut siunnersuut una inissisimaffissatut siunniussaq taanna

tungavigalugu suliaavoq, tassa illoqarfiup ilaani Qaqortup Qernertunnguillu akornanni qaqqaqarfimmi.

Kommunimut pilersaarummut tapiliussatut siunnersuummi illuliortaatsip soqutiginarsagaasup immikkoortumi avatangiisit nunataatalu ilusaa kiisalu sukisaarsarfittut pilersaarutigineqartut pingaartinneqarput. Inissisimaffissaanut naleqqussarneqassaaq sumiiffiup qaqqaqarnera sukisaarsarfissaqqinneralu, immikkoortumi sissaq sinerlugu aqqusineeqqamut (Immikkoortup aappaa) Nuummi sukisaarsarfiit pingaarnertut periusissionerqarnerinut atatillugu ilanngussisoqarnissaa pilersaarutaasoq ilanngullugit Kommunimut pilersaarummut tapiliussatut siunnersuummi ilanngullugu eqqumaffigineqassalluni, sissaq sinerlugu aqqusineerassap periusissionerana, taamaalillunilu sissaq sinerlugu aqqusineeqqap immikkoortumi aqqutissatut pilersinneqarnissaa.

Aaqqiissutissatut siunnersuut – suliatigut naliliineq

Ingerlatsiviup nalilerpaa, inissisimaffissaa pilersaarummut angisuumik illuliornissaaq eqqarsaatigalugu tulluurtuusoq aamma eqqaani sukisaarsarfissatut pilersaarutaasunut naapertuuttoq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq kommunip missingersuutaanik artukkiisimangilaq.

Inatsisitigut tungavissaaq allakkallu tungaviusumik uppernarsaatitalit

Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. novembari 2010-meersoq

Ingerlariaqqinnissaaq

Kommunimut pilersaarummut tapiliussaaq inaarutaasumik akuersissutigineqannginnerani sapaatip akunnerini arfineq-pingasuni tamanut tusarniaassutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup matuma siuliini taaneqartut innersuussutigai.

Innuttaasunik peqataatitsineq/attaveqaatigiinneq

Siunnersuut piffissami 24.04. 2019 – 19.06. 2019 sapaati-akunneri arfineq-pingasuni tamanut tusarniaassutigineqassaaq, tamannalu Nuuk Ugeavis, kommunip tusarniaaviatigut kiisalu kommunip digitaalikkut saqqummiiviatigut pissaaq.

Ingerlatsivinniit allaniit oqaaseqaatigineqartut

Oqaaseqaateqartoqanngilaq.

Siusinnerusukkat aalajangerneq

Sanarfinermut Avatangiisinullu Ataatsimiititap 25. marsi 2019-imi aalajangernera:
Ataatsimiititap inassuteqaat akueraa

Ilanngussaq

1. Kommunitum pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia

Punkt 05B: Qamuteralaat pillugit ileqqoreqqusaq

Beslutning

Inassuteqaatit akuerineqarput.

Bilag

Bilag 1_KAL.pdf

Bilag 2_KAL_DK.pdf

Bilag 3_KAL.pdf

Qamuteralaat pillugit ileqqoreqqusaq

Assartuutit motorinik ingerlatillit nunaannarmi aammalu illoqarfiit nunaqarfiillu killeqarfiini atornerqarneri

Aalajangiiffigisassaq

J.nr.: 16.08-P25-1-17

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Qamuteralaat pillugit ileqqoreqqusassatut siunnersuut sapaatip-akunnerini 8-ni, 28.11.2018-imiit 23.01.2019-imut, tamanut tusarniaassutigineqarpoq. Tusarniaanermut akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaanngorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Suliaq Sanarfinermut Avatangiisinullu Ataatsimiititap 25. marsi 2019 ataatsimiinnerani eqqartorneqarpoq oqaaseqaatigalugulu Tasiilami qamuterallattartut peqatigiiffiat peqataatinneqarnissaa kissaatigalugu, inassuteqaatigineqartorlu akuersissutigineqarluni, suliallu tamanut nalunaarutigineqarnissaanut Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Aningaasaqarnermut Inuussutissarsiornermullu Ataatsimiititamit Qamuteralaat pillugit ileqqoreqqusaq akuerineqassasoq
- qamuteralaat pillugit ileqqoreqqusaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq, tamanut saqqummiunneqarnissaa eqqarsaatigalugu.

Suliassamik saqqummiussineq

Kommunalbestyrelsip qamuteralaat pillugit ileqqoreqqusassatut siunnersuut ulloq 20. novembari 2018-imi ataatsimiinnermini akuersissutigaa. Siunnersuut sapaatip-akunnerini 8-ni, piffissami 28.11.2018-imiit 23.01.2019-imut, tamanut tusarniaassutigineqarpoq, tusarniaanermullu akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaanngorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Ileqqoreqqusami nunaannarmi angallanneq pillugu tamanut aalajangersaasoqarpoq, assersuutigalugu angallassinnginnermi aput qanoq annertigissanersoq pillugu. Tamatuma saniatigut ileqqoreqqusami illoqarfinni nunaqarfinnilu angallanneq pillugu aalajangersagaqarpoq.

Ilanngussat nutarterneqarput, taamaasilluni sumi larvefodinik atuineq inerteqqutaannginnersoq erseqqissumik takussutissiarineqarluni.

Oqaluttuarisaaneq

Qamuteralaat pillugit ileqqoreqqusassatut siunnersuut siulleg piffissami 19.12.2016 – 06.02.2017 tamanut tusarniaassutigineqarpoq.

Piffissami tusarniaaffiusumi tamatumani ingerlatsivik ilaatigut nunataq annertoq alla nutaaq angallaffioqquneqanngitsoq pillugu Pinngortitaleriffimmit tusarniaanermi akissuteqarfigineqarpoq. Nunataq pineqartoq ima angitigaaq, allaat siunnersuut pillugu nutaamik tusarniuteqartariaqalersimalluni.

Tusarniuteqarnerup ingerlanerani aamma Namminersorlutik Oqartussat inatsisileriffianit suliap ingerlanera pillugu allaaserisamik ingerlatsivik tigusaqarpoq, tassani nassuiarneqarluni kommunimi siunissami ileqqoreqqusanut tunngasunik periuserineqartalertussat. Taakku periuserisartagaat naapertorlugu nutaamik tusarniaasoqannginnerani naalakkersuisoqarfiit attuumassuteqartut tusarniaaffigineqaqqaartassapput.

Ingerlatsiviup siunnersuut tassunga naleqqussarlugu iluarsivaa Namminersorlutik Oqartussanullu naalakkersuisoqarfinnut susassaqtunut tusarniaassutigalugu. Siunnersuummi iluarsineqartumi ingerlatsiviup imeqarfiup killeqarfiini atorineqanngitsuni aqqusiortoqarnissaa qinnuteqaatigaa.

Ingerlatsiviup qinnuteqaataa itigartinneqarpoq, imeqarfiup killeqarfiata (maannakkut atunngitsoq) atorunnaarsinneqarnissaanik Namminersorlutik Oqartussat maanna oqaloqatigileruttorpaa, imaluunniit aamma imeqarfiup killeqarfia aqqusaarlugu ingerlasoqarsinnaanerani ajornartitsinngitsumik Namminersorlutik Oqartussat nutaamik nalunaarusiorsinnaavoq. Tassunga assingusumik Sisimiut pillugu Namminersorlutik Oqartussat nalunaarusiornikuuvoq, tassanilu imeqarfiup killeqarfia aqqusaarlugu qamuterallannik angallanneq ajornartinneqanngilaq.

Suliap ingerlanneqarnera sivisummat ingerlatsivik nutaamik siunnersuusiorniariarluni aalajangerpoq, nunaannarmi qamuterallannik angallannermut malittarisassanik najoqqutassanillu kommune amigaateqarmat. Naak imeqarfiup killeqarfii assigiinngitsut pillugit ajornartorsiuteqartoqartoq ilisimareeraluarlugu.

Aaqqiissutissatut siunnersuut – suliatigut naliliineq

Ingerlatsiviup nalilerpaa, Qamuteralaat pillugit ileqqoreqqusaaq sumiiffinni larvefodit atorlugit angallassiffiusinnaasuni malinnaaffigiuminartuusoq, kommunimilu ileqqoreqqusaaq pitsaasumik atorineqarsinnaassasoq.

Nunaannarmi nakkutilliineq kommunip pisussaaffigivaa. Ima ingerlassaaq, inerteqqutaasumik angallattoqarnera kommunimit paasineqarpat imaluunniit angallassissummik qimatsisoqarsimappat kommunimit nalunaarsorneqassapput, ileqqoreqqusamilu aalajangersarneqartut naapertorlugit iliuuseqassalluni.

Aningaasatigut sulisoqarnikkullu naliliinerit

Ileqqoreqqusamik suliaqarneq annertoorsuarmik aningaasanik sulisunillu atuiiffiusariaqarsimangilaq.

Inatsisitigut tunngavissaq allakkallu tunngaviusumik uppersaatitalit

Namminersorlutik Oqartussat nalunaarutaat nr. 10, 10. oktober 2013-imeersoq.

Ingerlariaqqinnissaq

Ingerlatsivik suleqatigiissitami suleqataavoq, tassani qanoq Namminersorlutik Oqartussat maanna Nuummi Kapisilinnilu imeqarfinnut killeqarfiit pioreersut naleqqussarneqarsinnaanersut imaluunniit killeqarfinni taakkunani nalunaarusiortoqarsinnaanersaq misissuisoqassaaq. Qamuteralattartuqatigiit Qamutit Nukissiorfiillu taamattaaq suleqatigiissitamiipput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup inassuteqaat taperserpaa.

Innuttaasunik peqataatitsineq/attaveqaqatigiinneq

Siunnersuut tamanut nalunaarutitut saqqummiunneqassaaq kommunillu nittartagaani saqqummiunneqarluni. Tamatuma saniatigut ileqqoreqqusaq oqartussaqaarfinnut attuumassuteqartunut nassiunneqassaaq.

Ingerlatsivinniit allaniit oqaaseqaatigineqartut

Soqanngilaq.

Siusinnerusukkat aalajangerneq

Sanarfinermut Avatangiisinullu Ataatsimiititap aalajangernera 25. marsi 2019-imeersoq:

Inassuteqaat ataatsimiititami akuersissutigineqarpoq, oqaaseqaatigalugulu Tasiilami qamuteralattartut peqatigiiffiat peqataatinneqarnissaa kissaatigalugu.

Ilanngussat

1. Akerliliissutinik suliaqarneq
2. Akerliliissutit
3. Ileqqoreqqusaq

Punkt 05C: Kommunitut pilersaarummut tapiliussatut siunnersuut, 2B1-1 Industrivej, Nuuk, Nuussuaq

Beslutning

Inassuteqaatit akuersissutigineqarput.

Bilag

2B1-1_Bilag1_KAL.pdf

2B1-1_bilag2_KAL.pdf

2B1-Industrivej_KAL.pdf

Kommunimut pilersaarummut tapiliussatut siunnersuut, 2B1-1 Industrivej, Nuuk, Nuussuaq

Aalajangiiffigisassaq

J.nr.: 16.03.01.01-P16-10-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussaq 2B1-1 Industrivej, Nuuk akuersissutigisassanngorlugu saqqummiuppa.

Kommunimut pilersaarummut tapiliussami suliffeqarfiit mingutsitsiffiunnginnerusut ineriartortinneqarnissaannut periarfissiiffiussaag, soorlu maskiinanik iluarsaasarfiit, biilnik iluarsaasarfiit, quersuit aammalu pisiniarfiit allaffeqarfiillu.

Kommunimut pilersaarummut tapiliussap siunertaraa sanaartorfissanik nutaanik immikkoortitsisoqarnissaa nunaminertamik atuinissamik akuersissutinik aallaaveqartunik, aammalu sanaartorfissanik ataatsimoortitsinissamut periarfissiisunik.

Kommunimut pilersaarummut tapiliussaq siunnersuutitut tamanut tusarniaassutigineqarpoq sapaatip-akunnerini arfineq-pingasuni piffissami 21.11.2018 - 16.01.2019. Tusarniaassummut akissuteqaat ataaseq pissarsiarineqarpoq. Taanna annikitsunik oqaasertaatigut taamaallaat aaqqiissuteqartitsivoq.

Suliaq Sanarfinermut Avatangiisinullu Ataatsimiititap 25. marsi 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaarusumik akuersissutigisassanngorlugu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Aningaasaqarnermut Inuussutissarsiornermullu Ataatsimiititamit Kommunimut pilersaarummut tapiliussaq 2B1-1, Industrivej, Nuuk akuersissutigineqassasoq
- Aningaasaqarnermut Inuussutissarsiornermullu Ataatsimiititamit kommunimut pilersaarummut tapiliussaq, 2B1-1 Industrivej, akuerisaq inaarutaasumik akuerisassanngorlugu Kommunalbestyrelsimut ingerlateqqinneqassasoq.

Suliassamik saqqummiussineq

Inuussutissarsiateqartut inuussutissarsiateqarfinni pioreersuni alliliinissamut periarfissat ujarlorpaat. Kommunimut pilersaarummut tapiliussami matumani immikkoortut 2C2 aamma 2B1 inuussutissarsiateqarfittut ataatsimoortinneqarnissaat periarfissaavoq. Taamaasilluni Industrivej ilaannakortumik sumiiffik-C-tut nalunaarsorsimanera allanngortissaaq, qituisoqarfinngorlugu sumiiffik-B-tut, inuussutissarsiateqarfik.

Kommunimut pilersaarummut tapiliussami suliffeqarfiit mingutsitsiffiunnginnerusut ineriartortinneqarnissaannut periarfissiiffiussaaq, soorlu maskiinanik iluarsaasarfiit, biilnik iluarsaasarfiit, quersuit aammalu pisiniarfiit allaffeqarfiillu. Illoqarfimmi inuussutissarsiuteqarfiit anginerusut pilersaarusiorneq eqqarsaatigalugu inuussutissarsiuteqarfiit annertusaavigineqarnissaannut tunngaveqarput, illoqarfiullu ilaani sumiiffinni allani inuussutissarsiuteqarfinnik allanik pilersitsiffiussalluni. Pilersaarummi sumiiffiup piffissap ingerlanerani ineriartortinneqarnissaa siunertarineqarpoq, taamaattumillu maannakkut tamaani inissisimasut pisarnertut ingerlaannassapput.

Kommunimut pilersaarummut tapiliussami, sanaartorfissani immikkoortinneqartuni portunerpaamik 18m. illut sisamanik quleriillit tikillugit sananeqarsinnaapput, tamakkualu immikkoortumi nunaminertat atugassiissutigineqartut pioreersut aallaavigineqassallutik. Kommunimut pilersaarummut tapiliussami periarfissaavoq sanaartorfissat ataatsimoortinneqarnissaat nunaminertanut arlalinnut, taamaasillunilu sanaartorfissanik anginerusunik periarfissaqalersitsissalluni.

Ullumikkut Industrivej angallaffiusaqaaq ilaatigut pisuinnarnit, cykelertunit motoorilinniingitsunillu allanit, tamaanilu aamma arlalinnik pisiniarfeqarpoq. Immikkoortumi Nuup qeqqa Nuussuarlu ataqatigiissinneqarput. Taamaattumik Industrivejip tungaanut illut saqqaasa ilusilersorneri illuliortaatsillu atorneqartussat pingaartinneqassapput, aqquserngup takujuminartuunissaanut nittarsaaqataassallutik, illut silatai aqquserngup tungaanut sammitinneqassallutik. Pisuinnarnut allanullu aqqusineq suli pitsanngorsarniarlugu kommunimut pilersaarummut tapiliussami siunnersuutigineqarpoq, aqquteeqqap Industrivejikkoortup titartarneqarnissaa, taassumalu aasakkut ujarassuarnik inissitsiteriffiusarnissaa. Ujarassuit taakkua ukiuunerani peerneqartassapput, tamaani aputaajaasoqartarniassammat.

Aaqqiissutissatut siunnersuut – suliatigut naliliineq

Nuuk inuussutissarsiuteqarfinnik pisariaqartitsiffiuvooq suliffeqarfinnut mingutsitsiffiunnginnerusunut atugassanik. Sumiiffimmi pisiniarfinnut ataqatigiissarlugu suliffeqarfiillu pioreersut tamaaniimmata Ingerlatsiviup nalilerpaa, kommunimut pilersaarummut tapiliussami Industrivejip pitsaasumik ineriartortinneqarnissaanut ilassuseeqataassasoq.

Ingerlatsiviup ilanngullugu pingaartippaa, kommunimut pilersaarummut tapiliussaq aqqutigalugu aqquteeraq illoqarfimmi sumiiffinnut assigiinngitsunut aallaavisoq atorlugu pisuinnaat, cykelertut motoorilinnillu atuinngitsut atugassarissaarnerulissasut.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34, 9. decemberi 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliusaaq Sanarfinermut Avatangiisinullu Ataatsimiititamit akuersissutigineqareerpat Aningaasaqarnermut Inuusutissarsiornermullu Ataatsimiititamut akuersissutigisassanngorlugu kingornalu Kommunalbestyrelsimut inaarutaasumik akuersissutigineqarnissaanut ingerlateqqinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq suliassamillu saqummiussami innersuussutigineqartup akuersissutigineqarnissaa inassutigalugu.

Innuttaasunik peqataatitsineq/attaveqaqatigiinneq

Kommunimut pilersaarummut tapiliusaaq siunnersuutitut tamanut tusarniaassutigineqarpoq sapaatip-akunnerini arfineq-pingasuni piffissami 21.11.2018 - 16.01.2019 tassungalu atatillugu tusarniaanermut akissuteqaat ataaseq piffissaaq eqqorlugu tiguneqarpoq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 25. marsi 2019-imi aalajangernera:
Ataatsimiititap inassuteqaat akuersissutigaa

Ilanngussat

1. Tusarniaanermut akissutit ingerlatsivimmit suliarineqarnerat.
2. Tusarniaanermut akissutit
3. Kommunimut pilersaarummut tapiliusaaq 2B1-1

Punkt 05D: Pilersaarusionermet periusissiaq P18

Beslutning

Inassuteqaatit akuersissutigineqarput.

Bilag

Bilag 1 KAL.pdf

Bilag 2 KAL.pdf

Planstrategi P18_Endelig KAL.pdf

Pilersaarusiornermut periusissiaq P18

Aalajangiiffigisassaq

J.nr.: 16.03-P15-1-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pilersaarusiornermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2014/15-imi ukiup nikinnerani)

Pilersaarusiornermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut periusissiaq P18, makkuninnga imaqqarpoq:

- kommunimut pilersaarut kingullermik nutarterneqarmalli pilersaarusiornerep killiffia (kommunimut pilersaarutip digitaaliusup Sermersooq2028.gl marsi 2017-imi naammassineqarnera ilanngullugu)
- siunissami ineriartortitsinissamut apeqqutit pingaernerit allaaserineri
- periusissiami nutaami kingornagullu kommunimut pilersaarummi sammineqartussat nutaat pillugit innersuussut

Aggustip 27-iani 2018-imi immikkut sammisaqarnermi Kommunalbestyrelse pilersaarusiamut periusissiaq nutartigaq siulleq suliniutissat imaluunniit sammineqartussat pingaartillugit saqqummiussiffigineqarpoq. Tamatuma kingornagut **Pilersaarusiornermut periusissiaq P18** suliarineqassaaq, maanna sapaatip-akunnerini arfineq-pingasuni tusarniaassutigineqareersimalerpoq. Piffissami tusarniaaffiusumi tusarniaanermut akissutit marluk tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput.

Suliaq Sanarfinermut Avatangiisinullu Ataatsimiititap 25. marsip 2019-imi ataatsimiinnerani oqaluuserineqarpoq, ataatsimiititallu inassuteqaatit akuersissutigai suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

Inassuteqaatit

Sanarfinermut Avatangiisinullu ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- **Pilersaarusiornermut periusissiaq P18** Aningaasaqarnermut Inuussutissarsiornermullu Ataatsimiititamit akuersissutigineqassasoq
- pilersaarusiornermut periusissiaq P18 inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Pilersaarusiornermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani Pilersaarusiornermut periusissamik tamanut saqqummiussaqaassaaq.

Periusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut periusissiami allaaserineqassapput, pilersaarusiornermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuuttuni kommunalbestyrelse sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq,
2. kommunimut pilersaarummi sammisami ataatsimi amerlanerusuniluunniit iluarsaassiisoqassasoq,
3. kommunip nunataani sumiiffiit ilaannut iluarsaassisoqassasoq,
4. kommunimut pilersaarut ukiuni sisamani atuuttussanngorlugu nutaamik akuerineqassasoq.

Aggustip 27-anni 2018-imi Kommunalbestyrelsip ataatsimiinnerani workschoppertoqarpoq, tassanilu ingerlatsiviup pilersaarusiap suliarinera saqqummiunneqarpoq, tassungalu atatillugu isumassarsianik aammalu Pilersaarusiornermut periusissiaq 18-imut suliniutissanik allannik saqqummiussisoqarluni. Ilaatigut tassani saqqummiunneqarput sanaartornermi piujuartitsineq qulakkeerniarlugu kommune periusissiamik siunnersuutigineqarpoq, Nuummi Aqqaluks Pladsimik ineriartortitsinissamik pilersaarut, Tasiilap eqqaata UNESCO-p nunarsuaq tamakkerlugu eriagisassatut allattorsimaffianut ilanngutitinnissaanut qinnuteqaatip ingerlanissaa aammalu kommunimi takornarialerineri ineriartortitsinissamat pilersaarut.

Aaqqiissutissatut siunnersuut – suliatigut naliliineq

Ingerlatsiviup **Pilersaarusiornermut periusissiaq P18** atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulineri atugassatut tigussaasutut atorineqartussamik. Allatut oqaatigalugu allaaserisaq tassaassaaq, kommunip sumut ingerlaniarneranik pilertortumik nassaassaqaqfiusoq, taamaalillunilu siunissami immikkoortunut pilersaarusiornermi tunngaviliisuusussaalluni.

Kommunalbestyrelsimut suleqatigiinnissamik isumaqatigiisummi (Kommune illoqarfiit pingaarnersaqaqfiusoq siuarsartoq) kommunip iluani avammullu suleqatigiinneq, aammalu kommunip sulinera malinnaaffigiuminarlunilu innuttaasunit ataasiakkaanit pissarsiariuminartuunissaa pingaartinneqarpoq.

Kommunimut pilersaarummi digitaaliusumi Sermersooq2028.gl-imi Kommuneqarfik Sermersooq pitsaasumik pilersaarusiornermut sakkussaqaqarpoq, kommunip pingaarnertut ineriartornissaanut ikorfartuutaasumik. Taamaattumik Sanarfinermut Avatangiisinullu Ingerlatsiviup ataatsimiititamat innersuussutigaa, sammineqartussat nutaat kommunimut pilersaarummi periusissiamut ineriartortitsinissamat ilanngunneqassasut aammalu *Nutarternissaanut aalajangernissami* allaaserineqartutuut kommunimut pilersaarummi suliniutigineqartussat ilaasa nutarterneri kisimik suliarineqassasut.

Sammineqartussat nutaat suliassaqaqfinnut killilikkanut timitaliinerit ilaat pineqarput, kommune tamakkerlugu periusissatut pilersaarutit ilanngullugit. Arlaqartut ingerlatsiviit arlallit suleqatigiissinnerisigut suliarineqassapput, ilaallu Sanarfinermut Avatangiisinullu Ingerlatsivimmi tunngaviligaallutik.

Aningaasatigut sulisoqarnikkullu naliliinerit

Pilersaarummut periusissiap suliarineqarnera ataavartumik pilersaarusionerup ilagivaa, taamaattumillu Sanarfinermut Avatangiisinullu Ingerlatsiviup aningaasaqarneranut sulisoqarneranullu kalluissanani.

Inatsisitigut tunngavissaq allakkallu tunngaviusumik uppernarsaatitallit

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
Kommunimut pilersaarut digitaliusoq www.sermersooq2028.gl

Ingerlariaqqinnissaq

Oqaaseqaateqartoqanngilaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allamik oqaaseqaatissaqartoqanngilaq

Innuttaasunik peqataatitsineq/attaveqaqatigiinneq

Nunaqarfinni Aqutsisut oktobarip aappaani ataatsimeeqatigineqarput.
Pilersaarusionerumut periusissiaq siunnersuutitut kommunip nittartagaatigut tamanut saqqummiunneqareerpoq, kommunimilu illoqarfinni nunaqarfinnilu allagarsiivitsigut allagarsiunneqarluni, aamma kommunimi inuit attaveqatigiittarfiisigut saqqummiunneqareerluni.

Ingerlatsivinniit allaniit oqaaseqaatigineqartut

Ingerlatsiviit allat oqaaseqartinneqanngillat

Siusinnerusukkut aalajangerneq

Sanarfinermut Avatangiisinullu Ataatsimiititap 25. marsi 2019-imi aalajangernera:
Ataatsimiititap inassuteqaat akueraa

Ilanngussat

1. Tusarniaanermut akissutinik suliaqarneq
2. Tusarniaanermit akissutit
3. Pilersaarusionerumut periusissiaq P18

Punkt 05E: Tasiilami utoqqaat illuata inissatigut allineqarnissaa

Beslutning

Tasiilami utoqqaat illuata inissanik sisamanik allineqarnissaa akuerineqarpoq, alliliinerli ingerlatsiviup nammineq aningaasalissagaa aalajangiunneqarpoq aammalu suliaq Kommunalbestyrelsimut ingerlateqqinneqassasoq.

Bilag

Bilag 1 - AnsÃgning om flere beboere pÃ B-183 (KAL)_27124.docx

Tasiilami utoqqaat illuata inissatigut allineqarnissaa

Aalajangiiffigisassaq

J.nr: 44.05-A00-1-19

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Februaarip 27-ani 2019 Sanaartornermut oqartussat Tasiilami utoqqaat illuani inissat 16-iniit 20-nut amerlineqarnissaannik piunasaqaat akuersissutigaa. Piunasaqaat pivoq, utoqqaat illuanni najugaqalerniarlutik qinnuteqartartut amerliartormata. Erseqqissumik oqaatigalugu maannakkut Tasiilami innuttaasut pingasut peqqissaavimmi oqilisaassiffiqineqarlutik najugaqarnerat kommunip akilersorpaa. Taakkunanga innuttaasut marluk utoqqaat illuannut nuussinnaapput, inissatigut alliliisoqarpat.

Peqqinnissaqarfimmi oqilisaassivigitinnermut aningaasartuutit amerlasuujupput taakkulu ulloq unnuarlu akigitat naapertorlugit 8.400 kr.-nik amerlassuseqarput (akit inatsisitigut aalajangersarneqartut naapertorlugit). Inissatigut amerliliisoqarpat sulisut 1,8-nik ulloq naallugu sulisartussanik amerlineqarnissaat pisariaqassaaq. Ingerlatsiviup nalilerpaa, sulisut marluk ilinniarsimanngitsut suliassanik naammaginnartumik kivitsisinnaassasut. Imaappoq, sulisunut aningaasartuutaanerulersussat ulloq unnuarlu 990 kr.-it missaaniissapput, ukiumut 360.000 kr.-it amerlaqataannik (sulisut marluk ilinniarsimanngitsut SIK-mut isumaqatigiissutit naapertorlugit akissaasersorneqarnissaat tunngavigineqarpoq).

Inissatigut amerliliisoqarpat ingerlatsiviup peqqinnissaqarfimmut aningaasartuutaasartut sipaassavai, innuttaasut marluk oqilisaassiffiqineqartut utoqqaat illuannut nuutinnerisigut. Taamaattumik Suliffeqarnermut Isumaginninnermullu Ingerlatsiviup siunnersuutigaa, Suliffeqarnermut Isumaginninnermullu Ataatsimiititap Tasiilami utoqqaat illuata inissatigut allineqarnissaa akuersissutigissagaa.

Suliaq Suliffeqarnermut Isumaginninnermullu Ataatsimiititaq 19. marts 2019 oqaluserineqarpoq, tassanilu ataatsimiititamit Suliaq akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

- Tasiilami Utoqqaat illuata inissatigut allineqarnissaanut siunnersuut akuerineqassasoq
- suliaq Kommunalbestyrelsimut inaarutaasumik akuerisassanngorlugu ingerlateqqinneqassasoq.

Suliamik saqqummiussineq

Februaarip 27-ani 2019 Sanaartornermut oqartussat Tasiilami utoqqaat illuani inissat 16-iniit 20-nut amerlineqarnissaannik piunasaqaat akuersissutigaa. Suliffeqarnermut Isumaginninnermullu Ingerlatsiviup inissatigut alliliinissaq piunasaqaatigivaa, tassami 2018-imi aprillimili utoqqaat illuannut nuukkusullutik qinnuteqartartut amerliartulermata. Matumani pineqarput innuttaasut marluk, peqqinnissaqarfimmit angerlartussat, kisialli inissaqartinneqannginnerat pissutigalugu, peqqinnissaqarfimmi oqilisaaffissanut innersuunneqarsimasut.

(Innuttaasut pingajuat angerlartinneqareersoq Tasiilami peqqinnissaqarfimmi oqilisaassiffimmiippoq, kisianni paarisariaqangaarmat, allaat Tasiilami utoqqaat illuata sullissinnaanagu. Innuttaasup taassuma immikkut ittumik sullinneqarnissaanut aaqqiissuteqartoqarniarpoq).

Innuttaasunut marlunnut peqqinnissaqarfimmi oqilisaassivigitinnermut aningaasartuutit ulloq unnuarlu akigititat naapertorlugit 2.400 kr.-nik aamma 6.000 kr.-nik amerlassuseqarput (akit inatsisitigut aalajangersarneqartut naapertorlugit). Ulloq unnuarlu katillugit aningaasartuutaapput 8.400 kr.-it ukiumut aningaasartuutaalersinnaallutik 3.066.000 kr.-it.

Utoqqaat illuanni najugallit marlunnik ilappata taasa sulisut ilasariaqarput imaalillugit $2 \times 0,9 = 1,8$ ulloq naallugu atorfik. Ingerlatsiviup nalilerpaa, inissatigut allilerisoqarnerani sulisut marluk ilinniarsimannngitsut suliassanik naammaginnartumik kivitsinnaassasut. Imaappoq, ullormut sulisunut aningaasartuutaanerulissapput 990 kr. -it, ukiumullu aningaasartuutaasassallutik 360.000 kr.-it amerlaqataat (SIK naapertorlugu isumaqatigiissutit malillugit qaammammusiallit qanoq sivilisutigisumik sulisimanerat apeqqutaasarpoq, tamatumalu kingornagut kisitsit missiliuutaasarpoq).

Sulisunut aningaasartuutaanerulersussat ikinneerarsuupput, peqqinnissaqarfimmi oqilisaassisarfirmmut aningaasartuutitut sanilliullugit. Peqatigitillugu Tasiilami suliffissanik pilersitsisoqassaaq.

Aaqqiissutissatut siunnersuut – suliatigut naliliineq

Ingerlatsiviup nalilerpaa, Tasiilami inissatigut alliliinissaq pissusissamisoorluinnartuusoq. Tasiilami utoqqaat illuat isumannaallisaanikkut suliatigullu tunngasut eqqarsaatigalugit inissatigut alliliisoqarneratigut utoqqarnik sullissinnermi suliassat isumagineqarsinnaapput. Innuttaasut marluk peqqinnissaqarfimmit oqilisaassisarfirmmit utoqqaat illuannut nuutinnerini sipaarutissat ima amerlatigaat, allaat sapinngisamik piaartumik tamanna pisariaqarluni.

Aningaasatigut sulisoqarnikkullu naliliinerit

Utoqqaat illuanni najugallit marlunnik ilappata tassa sulisut ilasariaqarput imaalillugit $2 \times 0,9 = 1,8$ ulloq naallugu atorfik. Imaappoq, ullormut sulisunut aningaasartuutaanerulissapput 990 kr. -it, ukiumullu aningaasartuutaasassallutik 360.000 kr.-it amerlaqataat. Matumani tunngavigineqarpoq, ilinniarsimannngitsunik marlunnik SIK malillugu aningaasarsiaqartinneqartussanik atorfinitsitsisoqarnissaa. Sulisunik aningaasarsiaqartitsineq kontunit ukunannga akilerneqartassaaq: 402070202 – 0503010000 – 122010200 – 010480. 2019-imi sulisunut aningaasartuutit amerlineri ilassutitut aningaasaliissutinit akilerneqassapput.

Peqqinnissaqarfimmi oqilisaassiffigitinnermut aningaasartuutit amerlasuujupput ulloq unnuarlu 8.400 kr.-iugamik ukiumut 3.066.000 kr.-it amerlaqataat.

Inatsisitigut tunngavissaq allakkallu tunngaviusumik uppernarsaatitallit

Sanaartornermut oqartussaasut akuersissutaat (ilanngussaq 1)

SIK-mik isumaqatigiissut: sulisut ilinniarsimasut ilinniarsimannngitsullu 322-it

Peqqinnissaqarfiup sullissineranut akiliutaasartut pillugit Kaajallaasitaq nr 17 (novembari 2017-imi nutartigaq)

Ingerlariaqqinnissaq

Siunnersuut akuersissutigineqassappat Suliffeqarnermut Isumaginninnermullu Ingerlatsiviup innuttaasut marluk peqqinnissaqarfimmi oqilisaassiffimmiitinnegartut Tasiilami utoqqaat illuannut nuutinneqarnissaat sapinngisamik piaartumik isumagissavaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Siornatigut aalajangerneq

Suliffeqarnermut Isumaginninermullu Ataatsimiititap aalajangernera 19. marts 2019-meersoq:

Siunnersuut akuerineqarpoq, suliarlu Aningaasaqarnermut Inuussutissarsiornermullu

Ataatsimiititamut Kommunalbestyrelsimullu akuersissutigisassanngorlugu ingerlateqqinneqarpoq

Ilanngussat

1. B-183-imi amerlanerusunik najugaqartoqalernissaanik qinnuteqaat

Punkt 05F: Suliassamut tunngavissaq

Beslutning

Inassuteqaatit akuerineqarput, takornariaqarnermut tunngasoq erseqqissaatigineqassasoq ilassutigineqarluni.

Bilag

Kommissorium-300Årret-Hans-Egede_26950_KAL.docx

Suliassamut tunngavissaq

Hans Egedep tikinneranit ukiut 300-t qaangiupput

Aalajangiiffigisassaq

J.nr.: 00.12

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

2018-imi ukiakkut missingersuutit isumaqatigiinniutigineqarnerini Hans Egedep Kalaallit Nunaannut tikinneranit ukiut 300-t qaangiuttut malunnartinniarlugu aningaasanik immikkoortitsinissaq Kommunalbestyrelsimit aalajangiunneqarpoq.

Maanna politikikkut aalajangiussassamik malunnartitsinissamut allaffissornikkut najoqqutassiisussamik suliassamut tunngavissaliortoqarpoq.

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Hans Egedep tikinneranit ukiut 300-t qaangiuttut pillugit suliassamut tunngavissaq akuersissutigineqassasoq
- suliassamut tunngavissaq Kommunalbestyrelsimut inaarutaasumik akuersissutigineqarnissaanut ingerlateqqinneqassasoq

Suliassamik saqqummiussineq

2018-imi ukiakkut missingersuutit isumaqatigiinniutigineqarnerini Hans Egedep Kalaallit Nunaannut tikinneranit ukiut 300-t qaangiuttut malunnartinniarlugu aningaasanik immikkoortitsinissaq Kommunalbestyrelsimit aalajangiunneqarpoq. Maanna politikikkut aalajangiussassamik malunnartitsinissamut allaffissornikkut najoqqutassiisussamik suliassamut tunngavissaliortoqarpoq.

Ukiok 2021 tassaassaaq Hans Egedep Nuup akianut Illuerunnernut tikinneranit ukiut 300-nngornerat. 2018-imi ukiakkut missingersuutit isumaqatigiinniutigineqarnerini malunnartinneqarnissaanut aningaasanik immikkoortitsisoqarnissaa akuersissutigineqarpoq. Kultureqarnermut Aaqqissuussanullu Immikkoortortaqarfiup aqutsisua suliniummut ataqatigiissaarisuussaaq. Aammattaaq suleqatigiissitamik sulisunik kiisalu innuttaasunik soqutiginnittunik inuttaqartussamik pilersitsinissaq aalajangiunneqarpoq.

Aaqqiissutissatut siunnersuut – suliatigut naliliineq

Suliassamut tunngavissamik suliaqartoqarpoq, taannalu naapertorlugu naqqaniit sularinissaanut politikikkut kissaatit naammassineqassapput. Malunnartitsinissamut pingaarnertut qulequtarineqassaaq "kulturi pillugu naapinneq". Nunatta Isiginnaartitsivia aamma Nunatta Katersugaasivia suleqatigiinnissaq pillugu oqaloqatigineqarput. Kultureqarnermut Aaqqissuussanullu immikkoortortaqarfiup taakku marluk peqatigalugit malunnartitsinissamut najoqqutassat kingornalu soqutigisaqatigiinnik allanik oqaloqateqarnissamut periarfissat pilersissavai. Kultureqarnermut Aaqqissuussanullu immikkoortortaqarfimmi aqutsisoq suliniummut ataqatigiissaarisuussaaq tassanilu illoqarfiup innuttai pillugit aaqqissuussanik soqutiginarturnik, maannakkut pisunik paasissutissiisutitalinnillu pilersitsinissaq qitiutinneqassaaq.

Malunnartitsineri upperisarsiornertut iliuuseqarnissaq siunertaanngitsoq ilisimaarineqarpoq, kulturimulli sammitinneqarluni.

Aningaasatigut sulisoqarnikkullu naliliinerit

2019-imut missingersuutit isumaqatigiinniutigineqarnerinut katillugit suliniummut 2.750.000 koruunit akuersissutigineqarput imalu agguataarneqassallutik: 2019-imi 150.000, 2020-mi 600.000 taavalu 2021-mi 2.000.000.

Inatsitigut tunngavissaq allakkallu tunngaviusumik uppermarsaatitalit

2019-imut missingersuutinut siunnersuut nr. P2 AIA.

Ingerlariaqqinnissaq

Suliassamut tunngavissaq akuersissutigineqassappat suleqatigiissitaq aamma sukumiisumik suliniutip allaaserineqarnissaa pillugit suleriaqqittoqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinniarneqanngilaq.

Innuttaasunik peqataatitsineq/attaveqaqatigiinneq

Suleriaqqinnermi tamanna eqqarsaatissatut ilanngunneqassaaq.

Ingerlatsivinniit allaniit oqaaseqaatigineqartut

Oqaaseqartitsiniartoqanngilaq.

Ilanngussaq

1. Suliassamut tunngavissaq

Punkt 05G: Eqqumiitsulianik Saqqummesitsivik pillugu malittarisassat

Beslutning

Inassuteqaatit akuerineqarput.

Bilag

Gavebrev med bilag.pdf

Forslag til vedtægter Nuuk Kunstmuseum KAL.pdf

Eqqumiitsulianik Saqqummesitsivik pillugu malittarisassat

Aalajangiiffigisassaq

J. nr. 58.00

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Nuummi Eqqumiitsulianik Saqqummersitsiviup Katersugaasiveqarnermut Ataatsimiititaliamut qinnutigalugu kissaatigerusuppaa katersugaasivittut akuerineqarnissani, taamaasilluni katersugaasivimmu periarfissat ammaaneparnissaanut periarfissaqalissagami.

Akuerisariaqakkatut Kommunalbestyrelsip maleruagassanut siunnersuutit akuerissavai kiisalu siulersuisut ataatsimoortinneqarnissaat Nuummi Eqqumiitsulianik Saqqummersitsivik tamanna pillugu qinnuteqarsinnaaniassammat.

Inassuteqaatit

Suliffeqarfimmi Kiggartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- malittarisassatut siunnersuut ataatsimiititamit akuersissutigineqassasoq
- suliaq Kommunalbestyrelsimut inaarutaasumik akuersissutigineqarnissaanut ingerlateqqinneqassasoq

Suliassamik saqqummiussineq

Nuummi Eqqumiitsulianik Saqqummersitsivik tassaavoq suliffeqarfik kulturimik sammisaqartoq, Kommuneqarfik Sermersuup Kulturi Aaqqissuussisarnermillu Immikkoortortaqqarfimmiittoq, katersugaasivittut taaneqalernissaanut akuerineqarnissaanut Katersugaasiveqarnermut Ataatsimiititaliamut qinnuteqarpoq. Akuerineqarniaraanni malittarisassatut siunnersuusiornissaq aamma siulersuisut katiternissaat Kommunalbestyrelsimit Katersugaasiveqarnermullu Ataatsimiititaliamit akuersissutigineqartussamik suliaqartoqarnissaa pisariaqarpoq. Nuummi Eqqumiitsulianik Saqqummersitsivik Katersugaasiveqarnermut Ataatsimiititaliamit akuerineqarpat Katersugaasiveqarnermut Ataatsimiititaliaq, Nunatta Katersugaasivia Allagaateqarfialu kalaallillu katersugaasivii allat akuerisat qanimut suleqatigisinnaasariaqalissagamigit. Nuummi Eqqumiitsulianik Saqqummersitsivik akuerineqarpat katersugaasivinni akuerisanit ammasumik suleqateqalernerq sulianillu atukkeeqatigiinneq pilissammat, naalagaaffiup nalunaarsuinerumut atortuinut isersinnaalissaaq, aamma ajornartorsiutaasinnaasut soorlu eqqumiitsulianut tunngasut eriagineqartulluunniit pillugit siunnersorneqarnissamut ataatsimeeqatigisarnissaannillu periarfissaqarnerulissallutik.

Aaqqiissutissatut siunnersuut – suliatigut naliliineq

Nunatta Katersugaasivia Allagaateqarfialu, Kultureqarnermut Naalakkersuisoqarfik kiisalu Kommuneqarfik Sermersuumi Qinikkanut Allatseqarfik aamma Kulturi Aaqqissuussisarnermillu Immikkoortortaqqarfik isumasioqatigalugu Nuummi Eqqumiitsulianik Saqqummersitsiviup katersugaasivimmi pisortamit malittarisassatut siunnersuut una suliarineqarpoq. Malittarisassat inatsisit atuuttut tunngavigalugit suliaapput kiisalu Tunissutip Allagartaa katersugaasiviup sananeqarnerani atorneqarsimasoq eqqarsaatigalugu.

Inatsisini allassimavoq Kommunalbestyrelse ilaasortanik marlunnik kiisalu sinniussanik marlunnik toqqaassasoq, taakkulu toqqaakkat Kommunalbestyrelsimut ilaasortaanissaat pisariaqanngillat.

Susasaqarfimmi inatsisit malinneqarnissaat siunertaralugu malittarisassat ilusilersorneqarput. Tunissutip allagartaa tapiliussartaalu inatsisilerinikkut nalilerneqarnera tunngavigalugu atorunnaarsitsinerumut aalajangersakkat pillugit maleruagassat inatsisit piumasaqaataanut nikingavoq, tamanna Tunissutip Allagartaanut akerliussammat.

Tunissutip Allagartaa ima naatsorsuuteqarpoq: *"Uanga, Helene Investeringssselvskabellu naatsorsuutigaa, Nuup Kommuniata tunissutimut tamarmiusoq eqqarsaatigalugu*

qulakkeerneqassasoq, katersugaasivik katersugaasivittut ingerlatiinarneqassasoq tassungalu tunngasut siunissami ingerlatsinermi aserfallatsaaliuinermilu pisussaaffiit tiguneqassasut."
Katersugaasiveqarnermut inatsimmi § 19 malillugu katersugaasivik unitsitsisariaqassaaq:
"Katersugaasivik sulinerminik unitsitsisariaqarpat katersugaasiviup katersugaataasa qanoq pineqarnissaat Nunatta Katersugaasiviata Allagaateqarfiala aalajangiivigissavaa".
Imm. 2. Unitsitsineq katersugaasiviup akuersissummik arsaagaaneraniq pissuteqarpat imm. 1 ma-lillugu aalajangiineq imaassaaq, katersugaasivik suliainik unitsitsisoq akuersissummik arsaagaanerminiit ukiut marluk qaangiutinnginneranni akuerisaaqqinnermigut periarfissaqassalluni katersu-gaatiminut oqaasissaqartuuleqqinnissamut.

Tunissutip allagartaata kommuni pisussaattippaa katersugaasiviup ingerlatinneqarnissaa. Taamaattumik Nunatta Katersugaasivia katersukkat pillugit siunissami aalajangiisinnanissaanut periarfissaqanngilaq, soorlu massakut katersugaasivik unitsinneqarnissaanut periarfissaqanngittoq. Tunissutip Allagartaa inatsisillu akornanni naapertuilluanngittoqarnerata malitsigisaanik Katersugaasiveqarnermut inatsisartut inatsisaanik §19 avaqqussillutik paragraffimik katersugaasivimmik unitsitsinermik tunngasumik ilusilersuisoqarpoq.

Nuummi Eqqumiitsulianik Saqqummersitsiviup malittarisassaani § 8: *"Katersugaasiviup katersugaasivittut akuerisatut ingerlannera atorunnaassagaluarpas, tassunga akuersissut ilanngullugu, katersugaasivittut akuerisatut katersugaatit ilanngullugit malittarisassat assingi naapertorlugit piffissami atorunnaarfiani pigineqartut ilanngullugit Katersugaasiviup ingerlanneqarnera nuunneqassaaq."*

Aalajangersagaq pingaartumik tunngavilimmik ilusilersorneqarnikoq Katersugaasiveqarnermut Ataatsimiititaliamut saqqummersinneqarnissaa pisariaqalissaaq. Katersugaasiviup pisortaata suliassaq taanna tigussuaa. Tunisisup kissaataa piumasaalu unioqqutinnginniarlugu Nuummi Eqqumiitsuliornermi Saqqummersitsivimmu maleruagassat immikkut ittumik unitsitsinermut aalajangersagaqarnissaa piumasaqaateqarnerata paasineqarnissaa naatorsuutigineqarpoq.

Siunissami maleruagassani allanngortoqaraangat museumsbestyrelsi inassuteqareeraangat Kommunabestyrelsimi akuerineqartassapput, tak. piginnaatitsinermik agguataarinissamut pilersaarut

Aningaasatigut sulisoqarnikkullu naliliinerit
Aningaasatigut sulisutigullu kinguneqannginnissaa nalilerneqarpoq.

Inatsisitigut tunngavissaq allakkallu tunngaviusumik uppersaataitallit
Katersugaasiveqarneq pillugu Inatsisartut inatsisaat nr. 8, 3. juni 2015-imeersoq
Tunissutip allagartaa ulloq 15. agusti 2005

Ingerlariaqqinnissaq
Aningaasaqarnermut Suliffeqarnermullu Ataatsimiititaq kommunalbestyrelsilu saqqummiussamut akuersippata katersugaasiviup pisortaata Katersugaasiveqarnermut Ataatsimiititaliamut akuersitsinissamut qinnuteqassooq.

Katersugaasiveqarnermut Ataatsimiititaliamit maleruagassanut allannguuteqarnissamut siunnersuuteqartoqassappat politikikkut suliarineqaqqissapput. Maleruagassat allanngortinneqaratik akuerineqassappatta ulloq taanna Katersugaasiveqarnermut Ataatsimiititaliap maleruagassat akuerippassuk atulissapput, aammalu borgmesterimit atsiorneqassaaq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqarsimangilaq.

Ilanngussat

1. Tunissutip allagartaa ulloq 15. agusti

Punkt 05H: Kulturi pillugu politikki

Beslutning

Inassuteqaatit akuerineqarput.

Bilag

Kulturpolitik_KAL_final.docx

Kulturi pillugu politikki

Aalajangiiffigisassaq

J.nr.:01.02.01

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliasamik eqikkaaneq

Kommuneqarfik Sermersuup kulturi pillugu politikkia nutarterneqassaaq nutarsarneqarlunilu. Taamaattumik kommunimi kulturi pillugu politikki ineriartornermut tikkuussisuusassaq suliarineqarpoq. Eqqumiitsuliornermi kulturilerinermilu suliniutaasussat qanoq ilusilersorneqassanersut pillugit annertuumik nassuiaatitaqartussamik kultureqarneq pillugu kommunip periusissiaanik kulturi pillugu politikki tunngaviliissaaq.

Kulturi pillugu politikki kommunip pingaarnertut takorluugai immikkoortut sisamaasut iluini nassuineqarput:

1. Kulturi pinngorartitsineri ingerlatsisutut
2. Killeqarfiit tamaasa aqqusaarlugit kulturi
3. Sermersuaq ikaarlugu kommune kulturilik
4. Innuttaasunut tamanut atuuttumik uummaarissumik kulturilerineq

Inassuteqaatit

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

- kulturi pillugu politikki akuersissutigineqassasoq
- kulturi pillugu politikki aalajangiiffigisassanngorlugu Kommunalbestyrelsimut ingerlateqqinneqassasoq

Suliasamik saqqummiussineq

Anguniagaqartumik kultureqarnermut periusissiaqarluni ukiorpassuarni suliaqareernerup kingorna Kommuneqarfik Sermersuup kulturi pillugu politikkia nutarternialerpoq. Kulturi pillugu politikki ineriartornermut tikkuussissaaq kiisalu eqqumiitsuliornermi kulturilerinermilu suliniutaasussat qanoq ilusilersorneqassanersut pillugit annertuumik nassuiaatitaqartussamik kultureqarneq pillugu kommunip periusissiaanik tunngaviliissalluni.

Suliaqarnermi sisamariarluni peqataatitsisoqarpoq:

1. Eqqumiitsuliorlut ukkatarisatut misissuineri tusarniarneqarput
2. Kommunimi kulturilerinermut suliffeqarfiit aamma kultureqarnermut immikkoortortaqaarfiit tamarmik nunalu tamakkerlugu kulturilerinermut suliffeqarfiit peqatigiiffiillu kulturilerisut tusarniarneqarput
3. Kommunip innuttaasunik peqataatitsisarnerani app ISUMAGA iluaqutigalugu misissuineri innuttaasut tusarniarneqarput
4. INUUSUKOMBEST-imut ilaasortaasut eqqumiitsuliornermut tunngatillugu misilittakkaminnik eqqartueqquneqarput aammalu eqqumiitsuliornerup kulturilerinerullu siunissami ineriartortinnissaanut kissaataannik tusarniarneqarlutik
5. Najukkami ataatsimiititaliaq tusarniarneqarpoq

Aammattaaq kommunalbestyrelsi immikkut sammisaqartinneqarneratigit Kommuneqarfik Sermersuumi kulturilerinerup ineriartortinneqarnissaanut takorluukkat anguniakkallu suliarineqarput. Immikkut sammisaqarnermi suleqatigiikkuutaarnermit angusat, peqataatitsinermit akissuteqaatit illoqarfiillu pingaarnersaannut iliuusissatut pilersaarummi anguniakkat nassuiaatigineqarneri Suleqatigiinnissamullu isumaqatigiissut kultureqarnermut periusissialiornissamut tunngaviliissuupput.

Kulturi pillugu politikki anguniagaapput:

1. eqqumiitsuliornermik nutaaliornermillu aallarnisaasunut atugassarititaasut pitsaanngorsassallugit.
2. suleqatigiinnikkut angusaqarnerunissaaq siunertaralugu killeqarfiit suliffeqarfiillu akimorlugit eqqumiitsuliorneq ilanngutissallugu
3. kommunimi kulturilerinermut suliffeqarfiit tamarmik akornanni suleqatigiinnerup nukittorsarneqarnissaa

4. qanorluunniit ukioqaraluartunut kulturilerinermik pilerinartumik neqeroornissaq aamma pingaartumik nukarliit innuttaasullu ilungersunartorsiortut eqqumiitsulianik kulturimillu neqeroorfigissallugit

Aaqqiissutissatut siunnersuut – suliatigut naliliineq

Kulturimik attassinikkut, ingerlatitseqqiinnikkut nutarsaanikkullu eqqumiitsuliat kulturilu taakkuupput qangaaniit siunissamat pilersitsisartut. Eqqumiitsuliorneq kulturilu tamatigut aaqqiissutissiineq ajorput, kisianni paasinnitsitsisarput. Pisimasut, maannakkut pisut pillugit paasinninneq siunissamullu iluarsiiisutit. Kulturi taannaavoq taannaajuarsimavorlu inuiaqatigiitta ineriartorneranni aalajangiisuulluinnartartoq. Inuiaqatigiinni ilisimasanik, pilersitsinermik tarrarsorfissamillu pilersitsinissaq eqqumiitsuliornermi kulturimilu siunertaapput. Ataqtatigiilersitsisarput ataatsimullu kinaassuseqalersitsisarlutik. Immikkuullarissumillu naleqarlutik.

Kulturi pillugu politikki una atorlugu innuttaasut kikkulluunniit kulturimik atuisuulernissaat anguniassavarput. Tamatuma saniatigut eqqumiitsuliorneq eqqumiitsuliamik inuussutigisinnaanissaannut atugaannik pitsanngorsaassaagut.

Politikkitsinni anguniakkatta angunissaannut eqqumiitsuliaatitta pitsaassuseqarluartut naleqarluartumillu suleqateqariaaseqarnitsigut kulturi pillugu suliaqartunik, kulturi pillugu uumatitsisunik inuiaqatigiillu ilaannik nukittuumik attaveqarnissarput pisariaqartipparput.

Kulturi pillugu politikkip Kommuneqarfik Sermersuumut politikkit allat periusissiallu ataqtatigiisilluinnarlugit qanimut suleqatigiisitsilersut atorneqassapput. Politikkiliornermi kultureqarnermi ineriartortinnissaanut atugassarititaasut pitsanngorsarniarnerisa saniatigut siusinnerusukkat politikkinut sanilliullugu sivilisunerusumik ukkataqarnissaq anguniarneqarpoq.

Nuuk Nordiskip 2017-imi ingerlanneqarnerani kulturip politikkip oqallisigineqarnerani kultureqarnermut tunngatillugu pilersaaruseqarneq siunissaq qanippallaaq kisiat aallutarineqartoq isornartorsiorneqarpoq.

Aningaasatigut sulisoqarnikkullu naliliinerit

Politikkimut tunngatillugu aningaasatigut kingunerisassaqaangilaq, taamaattoq imarisaata akuersissutigineqarneratigut kingusinnerusukkat politikkiimittut suliaatit kivinneqarnissaannut suliaatit suliniutinullu missingersuusiornissamik pisussaaffiliisussaavoq.

Inatsisitigut tunngavissaq allakkallu tunngaviumik uppersaataatallit

Kommuneqarfik Sermersuup Illoqarfiit pingaarnersaat pillugu iliuusissatut pilersaarut
Kommuneqarfik Sermersuup Suleqatigiinnissamik isumaqatigiissutaa

Ingerlariaqqinnissaq

Ataatsimiititap tulliani 16.05.2019-imi ataatsimiinnissaanut Suliffeqarfimmi Kiffartuussiviup kultureqarnermut periusissiap akuersissutigineqarnissaa innersuussutigissamaarjaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq

Innuttaasunik peqataatitsineq/attaveqatigiinneq

Suliaqarnermi sisamariarluni peqataatitsisoqarpoq:

1. Eqqumiitsuliorneq ukkatarisatut misissuinermi tusarniarneqarput
2. Kommunimi kulturilerinermut suliffeqarfiit aamma kultureqarnermut immikkoortortaqaarfiit tamarmik nunalu tamakkerlugu kulturilerinermut suliffeqarfiit peqatigiiffiillu kulturilerisut tusarniarneqarput
3. Kommunip innuttaasunik peqataatitsisarnerani app ISUMAGA iluaqutigalugu misissuinermi innuttaasut tusarniarneqarput
4. INUUSUKOMBEST-imut ilaasortaasut eqqumiitsuliornermut tunngatillugu misilittakkaminnik eqqartueqquneqarput aammalu eqqumiitsuliornerup kulturilerinerullu siunissami ineriartortinnissaanut kissaataannik tusarniarneqarlutik
5. Najukkami ataatsimiititaliaq tusarniarneqarpoq

Ilanngussaq

1. Kulturi pillugu politikki

Punkt 05I: 2020-mut missingersuusiornissamut maleruagassat

Beslutning

Inassuteqaatit akuersissutigineqarput, imannak oqaasertalerlugit, immikkut pingaarnersiulluni seminareqarnissaq kissaatigineqarpoq.

Bilag

Budgetregulativ-2020-DK_27090_KAL.docx

2020-mut missingersuusiornissamut maleruagassat

Aalajangiiffigisassaq

J.nr.: 06.04.01

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliassamik eqikkaaneq

Kommunip Ingerlatsinermut Aningaasaqarnermullu Aqutsinermut Najoqqutassiaani imm. 11 naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik.

2020-mut missingersuutinut missingersuusiornissamut maleruagassat matumuuna Aningaasaqarnermut Inuussutissarsiornermullu Ataatsimiititamut akuerisassanngorlugit saqqummiunneqarput.

Inassuteqaatit

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- 2020-mut missingersuusiornissamut missingersuusiornermut najoqqutassaaq akuersissutigineqassasoq, tassunga ilanngullugit immikkoortut tulliuuttut
 - o Aningaasaliissutissat qaffasissusissaat anguniakkat qaffasissusissaannut 3-mut nutaamut aalajangersarneqassaaq,
 - o Akissarsiaqartitsinermi immikkut pituttorsimasoqassanngitsoq
 - o Kommunimi akileraarutip procentia 26 %-unissaa aalajangiunneqassasoq
 - o Aningaasat tigorianaanaat 6%-ussasut.
 - o Sanaartornermut minnerpaamik 200 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilerneqartassapput
 - o Minnerpaamik 80-100 mio. koruuninik sinneqartooruteqartoqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunip Ingerlatsinermut Aningaasaqarnermullu Aqutsinermut Najoqqutassiaani imm. 11 naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik.

Aningaasaqarnermut Ingerlatsivik 2020-mut missingersuusiornissamut najoqqutassamik siunnersuusiortoq, tassaniillutik 2020-mut missingersuusiornissamut atatillugu najoqqutassat piffissamilu pilersaarut, kiisalu kontunut pilersaarutaalersusaaq naapertorlugu aningaasaliissutit qaffasissusissaannut malittarisassatut nutaatut siunnersuutit.

Missingersuusiornernerup ingerlanneqarnissaanut toqqammaviusunillu aalajangersaanermi missiliuusiornarit qularnaatsuunissaat missingersuusiornissamilu piumasaqaatit uppernarsaatitassaqarluarnissaat pingaarnerpaatinneqarpoq.

2020-mut missingersuusiornissamut tunngatillugu anguniakkat tamakku anguneqarnissaannut imaattunik naleqqussaasoqarnissaa siunnersuutigineqarpoq:

- Aningaasaliissutissat qaffasissusissaat anguniakkat qaffasissusissaannut 3-mut nutaamut aalajangersarneqassaaq, kontunut pilersaarut nutaaq naapertorlugu
- Tamakkiisumik aningaasaliissuteqartarnissaaq atuutilersinneqarpoq – Aningaasartuutissanut isertitassanullu aningaasaliissutit
- Missingersuutitut aningaasaqarnikkut sinaakkutissat aningaasarsiornermi politikkeqarnikkut aalajangerneqassapput
- Sanaartugassanut missingersuutini atuisinnaanermut najoqqutassaaq ukiut tulliitut missingersuusiorfiusut ilanngullugit, 2017-imi atulersinneqartut assinga atorineqassaaq.

Aaqqiissutissatut siunnersuut – suliatigut naliliineq

Missingersuutit tamarmiusut ukiut sisamat inger-laneranni oqimaaqatigiissinneqassapput imaluunniit sinneqartoorfiussapput. Tamanna Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi § 2 naapertorlugu allassimavoq.

§ 2 imm. 3 naapertorlugu ingerlatsinermut aningaasartuutit katinneranni kiisalu nuussinerit annerpaamik isertitassatut naatsorsuusat ukiuni 4-ni 93 procentusimappat.

Kommunip aningaasaqarnermik aqutsinera nukittorsarniarlugu, tamatumunnga kommunip ingerlatsinermut aningaasartuutaasa siunissami aningaasatigut atugassariligassanut naleqqussarneqarnissaa ilanngullugu, kommunip suliassa qarfiini assigiinngitsorpasuarini pinngitsoorani aningaasartuutaasariaqartut nalunaarsornerini uppersaataitassaaqartut toqqammavigalugit kommunimi aningaasatigut aqutsisoqassasoq. Pinngitsoorani aningaasartuutaasariaqartut tassaapput:

- Suliassa qarfimmil aningaasatigut pingaarutillit suuneri
- Sunniuteqarfigisinnaasat - taakkununnga ilanngullugit allatut aaqqiissutaasinnaasut
- Suliniutit aningaasatigut kingunerisassaattut ilimagisat
- Akissuteqarfigineqarnissamat piffissaaq - suliniutip aallartinneqarnissaanut piffissaliussaaq, ilimagisamik aningaasatigut kingunerisassat paasineqarnissaasa tungaanut

Missingersuusiornerissamat maleruagassat suliarineqarput siunissami aningaasanik aqutsineq - missingersuusiorneq ilanngullugu - taakkunani tunngaviit naapertorlugit suliarineqarnissaat ikorfartorniarlugu.

Aningaasaqarnikkut sulisoqarnikkullu naliliinerit

2020-mut missingersuusiornermut atatillugu suliassat pingaarnertut kommunip nammineq sulisuinit suliarineqassapput.

Inatsisitigut tunngavissaaq allakkallu tunngaviusumik uppersaataitallit

- Kommunit aqunneqarnerat pillugu inatsit, § 5
- Kommunit siumoortumik missingersuusiornerat, akiliisinnaassuseqarnerat, naatsorsuutaat kiisalu karsi aningaasanillu aqutsinerat pillugu nalunaarutit
- Ingerlatsinermut Aningaasaqarnermillu Aqutsinermut Najoqqutassaaq

Ingerlariaqqinnissaaq

Missingersuutit suliaqarneq ukiup ingerlanerani ingerlanneqassaaq, taamaasilluni 07.10.2018-imi kommunalbestyrelse missingersuutit pillugit immikkut sammisaqarniassamat, missingersuutissallu inaarutaasut naammassineqarlutik, akuersissutigineqarlutik kingusinnerpaamillu 26. novembari 2018 tamanut saqqummiunneqarlutik.

Aningaasaqarnermut Allatseqarfirmmit oqaaseqaatit

Allanik oqaaseqaateqartoqannigilaq

Ilanngussaq

1.2020-mut missingersuusiornissamut maleruagassat

Punkt 05J: Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Beslutning

Inassuteqaatit akuerineqarput.

Bilag

Bilag-rejserapport_27114_KAL.docx

Svalbard-Turisme-notat_-korrekturlÅst_26431_KAL.docx

Aningaasaqarnermut Inuussutissarsiornermullu Ataatsimiititap angalanera pillugu nalunaarusiaq

Svalbard 18. februaarimiit 22.februaarimut.

Aalajangiiffigisassaq

J.nr.: 01.02

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Ataatsimiititaq 2019-imi februaarip qaammataata qiteqqunnerani Svalbardimut Københavnimiinnermik naggasiinertalimmik angalavoq. Angalanermi siunertarinqartoq tassaavoq sammisat takornariaqarnermut, piujuartitsineq aallaavigalugu aningaasatigut atorluaaneq eqqagassanillu immikkoortiterineq eqqarsaatigalugit siamasissumik misilittagaqarfigilernissaannut tunngavissaqalernissaq, - tamarmillu ataatsimiititamut attuumassuteqarluartuupput. Angalaneq pillugu nalunaarusiaq angalanermut pisussanik kiisalu angalanerup nalaani ataasiakkaanut pulaarnernik imaqarpoq naggataatigullu ataatsimiititamut arlalinnik innersuussuteqartoqarluni.

Inassuteqaatit

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- angalaneq pillugu nalunaarusiaq Aningaasaqarnermut Inuussutissarsiornermullu Ataatsimiititamit akuersissutigineqassasoq.
- innersuussutit tullinnguuttunut inissineqartut ataatsimiititamit isummerfigineqassasut.
- angalaneq pillugu nalunaarusiaq ataatsimiititamit Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Ataatsimiititaq 2019-imi februaarip qaammataata qiteqqunnerani Svalbardimut Københavnimiinnermik naggasiinertalimmik angalavoq. Angalanermi siunertarinqartoq tassaavoq sammisat takornariaqarnermut, piujuartitsineq aallaavigalugu aningaasatigut atorluaaneq eqqagassanillu immikkoortiterineq eqqarsaatigalugit siamasissumik misilittagaqarfigilernissaannut tunngavissaqalernissaq, - tamarmillu ataatsimiititamut attuumassuteqarluartuupput. Angalaneq pillugu nalunaarusiaq angalanermut pisussanik kiisalu angalanerup nalaani ataasiakkaanut pulaarnernik imaqarpoq naggataatigullu ataatsimiititamut arlalinnik innersuussuteqartoqarluni.

Aningaasaqarnermut Inuussutissarsiornermullu Ataatsimiititamit peqataapput Asii Chemnitz Narup (siulittaasoq), Peter Davidsen (ilaasortaq), Charlotte Pike (ilaasortaq), Randi Vestergaard Evaldsen (ilaasortaq) aamma Henrik Rachlev (ilaasortaq).

Qinikkanut Allatseqarfimmit peqataapput Emil Skjervedal (Ineriartortitsinerimut Piujuartitsinerimullu Allatseqarfik) aamma Jeanett Anne Christoffersen (ataatsimiititami allatsi). Sanarfinermut Avatangiisinullu Ingerlatsivimmit peqatavoq Frank Rasmussen, Ingerlatsinerimut Avatangiisinullu pisortaq.

Tamatuma saniatigut attaveqaaqatigiinnermut pisortaq, Lars Damkjær peqataavoq, kiisalu oqalutsi Arnarak Bloch aamma takornarialerisunit assigiinngitsunit pingasut.

Pulaakkat tassaapput:

- Longyearbyenimi Lokalstyret v Arild Olesen

- Hurtigruten v Thomas Westergaard
- AECO v Frigg Jørgensen
- Greendog v Martin Hartmann Munck aamma Karina Bernlow
- UNIS v Harald Ellingsen aamma Mads Forchhammer
- Visit Svalbard v Per Gunnar Hettervik
- Reno-Vest affaldscentral
- Stena Recycling
- Professor Thomas Fruergaard Astrup, DTU
- Plastix v Peter Buhl.

Aaqqiissutissatut siunnersuut – suliatigut naliliineq
Soqanngilaq

Aningaasatigut sulisoqarnikkullu naliliinerit
Soqanngilaq.

Inatsitigut tunngavissaq allakkallu tunngaviusumik uppersaatitallit
Ataatsimiititap suleriaasia.

Ingerlariaqqinnissaq

Aningaasaqarnermut Inuussutissarsiornermullu Ataatsimiititap tikeraarnerup nalaani paasisarilikkat ataatsimiititap suleriaqarnermi atussavai, matumani innersuussutit ataatsimiititami suleriaqqinnissamut atugassatut toqqagai ilanngullugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Ilanngussat

1. Aningaasaqarnermut Inuussutissarsiornermullu Ataatsimiititap Svalbardimut 2019-imi paasisassarsiorluni angalanera pillugu nalunaarussiaq
2. Svalbard takornariaqarneq oqaaseqaat DK

Punkt 05K: Mitsimmavik, Nuummi inissialiorfissaq nutaaq

Beslutning

Inassuteqaatit akuersissutigineqarput.

Bilag

BILAG 1_KAL.pdf

Bilag 2_KAL DK.pdf

Bilag3KAL DK.pdf

Mitsimmavik, Nuummi inissialiorfissaq nutaaq

Sanaartugassatut qinnuteqaat

Aalajangiiffigisassaq

J nr: 16.03-P20-6-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivik Nuummi Qinnugtsinni suliassatut nutaanik inissialionnissamut atugassamik nunaminertamik atuinissamut immikkoortitsiffigineqarnissamik qinnuteqaammik tigusaqarpoq. Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sanarfinermut Avatangiisinullu Ingerlatsiviup nalilerpaa suliassaq Illoqarfiit pingaarnersaannut periusissiamut kommunimullu pilersaarummut naapertuulluinnartuusoq, tassani inissiat assigiinngitsut neqeroorutigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Taamaakkaluartoq Sanarfinermut Avatangiisinullu Ingerlatsiviup siunnersuutigaa, ataasiakkaanik piumasaaqateqartoqassasoq ilaatigut sissaq sinerlugu aqqusiassap inissinneqarnissaanut atatillugu, suliassatullu qinnuteqaammi inissiiffissaatut siunnersuut pinnagu, ilanngullugulu inissialiassat qanoq sularineqarnissaannut tunngasoq iluarsineqassasoq, taamaasilluni siunissami attartortunngortussanut tamakkiisumik aaqqiissutissaq pitsaanerulerniassammat.

Suliaq Sanarfinermut Avatangiisinullu Ataatsimiititap 4. februaari 2019-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa piginnaatitsissutinillu agguataarinissamik pilersaarut Aningaasaqarnermut Inuussutissarsiornermullu Ataatsimiititamut aammalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Aningaasaqarnermut Inuussutissarsiornermullu Ataatsimiititap Februaarip 28-iani 2019 aalajagiinera: Aalajagiiffigisassaq kinguartinneqarpoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Aningaasaqarnermut Inuussutissarsiornermullu Ataatsimiititap Mitsimmavik, Nuummi inissialiorfissaq nutaaq akuersissutigisagaa,
- Ataatsimiititap Mitsimmavik, Nuummi Nutaamik inissialiorfissaq Kommunalbestyrelsimut inaarutaasumik akuersissutigisassanngorlugu ingerlateqqisagaa, sapaatip akunnerini arfineq pingasuni tamanut tusarniaassutigineqarnissaa siunertaralugu.

Suliassamik saqqummiussineq.

Sanarfinermut Avatangiisinullu Ingerlatsivik Nuummi Qinnugtsinni suliassatut nutaanik inissialionnissamut atugassamik nunaminertamik atuinissamut immikkoortitsiffigineqarnissamik qinnuteqaammik tigusaqarpoq. Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik

sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sumiiffiit ilaanut inniminniinermik qinnuteqartoqarpoq, Pilersaarusionermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq. Ilanngussaq 2 takuuk. Pilersaarusionermut Inatsisip allanngortinnerata nutaap ingerlanera ima nassuiarneqarsinnaavoq:

1. Aningaasaliisussap/Suliffeqarfiup pilersaarutini Kommunalbestyrelsimut nassiutissavaa, piumasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsip pilersaarut akuerissavaa, minnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piumasaqaatai, taakkulu arlaanulluunniit attuumassuteqassanatik.
3. Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqaarsinnaallutik.
4. Qinnuteqaatit tunuliaqutigalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.
5. Tamatuma kingorna aningaasaliisussaq ukiuni marlunni sivilisussuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
6. Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffigalugulu.

Pilersaarusionermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikkikkut takorluukkanut naapertuutinnigippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsionerup Naalakkersuisunit Kommuniniillu siuarsarneqarusunnera Pilersaarusionermut Inatsimmik allannguinermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

Aaqqiissutissatut siunnersuut – suliaticigut naliliineq

Sanarfinermut Avatangiisinullu Ingerlatsiviup nalilerpaa suliassaq Illoqarfiit Pingaarnersaannut Periusissiamut naapertuulluinnartuusoq, tassani inissiat assigiinngitsut neqeroortigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Ataatsimut isigalugu suliassami sanaartornermi aaqqiissuussinerit najoqqutarineqarput, illuliarineqartussallu isikkussaat Nuummi ineriartortitsinissamik kissaatigineqartumut naapertuulluinnarput.

Inissialiassat 160-it saniatigut suliassamut ilaavoq silami majuartarfik qitiusumik inissisimasoq, taannalu immikkoortumi pisuinnaat aqqutaannut ataneqarpoq, aqqutaanili pinnguarterfeqarlunilu

sangusarfeqassaaq uninngaarfiusinnaasunik. Taamatut suliarineqaruni sumiiffik tamaat pitsaassuseqalersissavaa inissialiallu assigiinngisitaartut ataatsimuulersillugillusooq.

Suliassaq immikkoortut ilaannut marlunnut qinnuteqaataavoq, taakku Nuuk Pingaarnertut ilusissaani (Siorarsiorfik) pilersaarutaareersumi inissisimapput. Suliassatut qinnuteqaat amerlasuutigut kommunimut pilersaarummut akuersissutaareersumut naapertuuppoq, kisiannili makkunatigut immikkuullarissuteqarluni:

Suliassatut siunnersuutigineqartumi illuliarineqartussat tamarmik ataatsimik marlunnillu amerlanerusunik qulereeqartitsissapput, kisialli suli najugaqarfiit tamarmik isikkivigissaarnissaat eqqarsaatigineqarpoq.

Aqqusineqartinneqarnera imaalillugu allanngortinneqarpoq, suliassatut siunnersuummi aqquserngit sisamat ingerlariaqqiffeqanngitsut suliarineqassapput, sumiiffik kaajallallugu ingerlariaqqiffissalimmik aqqusinniornissamut taarsiullugu.

Ingerlatsivik isorisaqalaarpoq, soqutiginnittullu tamakkua suliap ingerlaqqinnissaanut suliareqqissavai; sissaq sinerlugu aqqusineeqqap erseqqissaatiginissaa aammalu suliassami ilaqutariit ataatsit qanoq suliarineqarnissaannut tunngatillugu isummernissaq.

Sissaq sinerlugu aqqusineeraq:

Sissaq sinerlugu aqqusiassap aallartinnissaa naammassinissaalu erseqqissumik nalunaarutigineqassasut, taavalu aqqut imaq sinerlugu suliarineqassaaq, tamanit aqqutigineqarsinnaasunngorlugu.

Qanoq suliarineqarnissaat:

Illut villat qulingiluat qanoq suliarineqarnissaat eqqarsaatigalugu Siorarsiorfiup suliarineqarnissaanut najoqqutassami aammalu Illuliortaatsimut politikkami allaaserineqartut malinneqassapput. Ilaqutariit illuanni ataatsimi arfinilinnik initalimmi init pingaarnertut ataatsimoorfiusartussat tassaassapput igaffik/inilu assigiinngitsunik suaiaqarfiusartoq, taannalu matumani illup alanngortaani inissisimavoq, qaqqap tungaanut sammisumi isikkiveqarpiannngitsumiilluni, naak illoqarfiup ilaa tamanna tupinnaannartumik isikkivigissumiikkaluartoq. Taamatut suliarineqassaguni init pingaarnertut kiassarneqarnissaat qaamaneqarnissaallu eqqarsaatigineqartumut naapertuutissanngilaq, tassami innaallagissamik atuinikillisaataassamat aammalu FN´p Nunarsuaq tamakkerlugu illoqarfiit inoqarfillu piujuartitsinermik tunngaveqarnissaannik anguniakkamik 11-mi aammalu akisussaassuseqartumik atuneq tunisassiornerlu eqqarsaatigalugit anguniakkamik 12-mi anguniakkanut naapertuutissagaluarluni. (Siorarsiorfik pillugu Najoqqutassami imm 05 innersuussutigalugu)

Aningaasaqarnikkut sulisoqarnikkullu naliliinerit

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorneqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-meersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Imatut ingerlariaqqittoqassaaq:

1. Suliniut politikkikkut akuerineqarpat, soqutiginnittup pilersaarutip tusarniaassutigineqannginnerani uku pissarsiareqqaassavai:
 - Pilersaarutip piviusunngortinneqarnissaaneranut naliliinermik uppernarsaat aningaasaateqarfimmeersoq
Sanarfinermut Avatangiisinullu Ingerlatsivimmit pilersaarutip suliarinissaanut najoqqutassamiittut tamaasa minnerpaamik naapertuuttumik naammassisinnaaniassammagit, najoqqutassamik suliaqarpoq pilersaarut ilanngullugu nassiunneqartussamik. Najoqqutassaq ilanngussaq 3-mi takuuk.
2. Pilersaarut pillugu tamanut tusarniaanerup nalaani paasissutissiilluni ataatsimiisitsisoqarumaarpoq.
3. Tamatuma kingorna akerliliissutaasimasinnaasut suliarineqassapput, inaarutaasumillu pilersaarut Sanarfinermut Avatangiisinullu Ataatsimiititamut, Aningaasaqarnermut Ataatsimiititamut kiisalu Kommunalbestyrelsimut inaarutaasumik akuerineqarnissaanut ingerlateqqinneqassaaq.
4. Kingornalu soqutiginnittumut nunaminertamat akuersissut ukiuni marlunni atuuttussaq tunniunneqassaaq, soqutiginnittorlu nammineq immikkoortumut sukumiisumik aalajangersagartalimmik kommunimut pilersaarummut tapiliussassatut siunnersuusiussaaq.
5. Kommunimut pilersaarummut tapiliussap suliarineqarnera naammasseriarpat, sanaartorneq illuliornerlu aallartisarneqarsinnaanngussapput.

Aningaasaqarnermut Allatseqarfimmit oqaaseqaatit

Uani oqaaseqatigiinnik ikkussigit imaluunniit -

Innuttaasunik peqataatsineq/attaveqatigiinneq

Suliassaq akuersissutigineqassappat tusarniaassutigineqarlunilu, Sanarfinermut Avatangiisinullu Ingerlatsiviup suliassamik piginnittut peqatigalugit suliassaq pillugu tamanut ammasumik paasissutissiinertalimmik ataatsimiititsissapput.

Tamatuma saniatigut suliassatut siunnersuut Nuuk Ugeavis aammalu kommunip nittartagaa aqutigalugit nalunaarutigineqassaaq, kiisalu atortussat suliassamut tunngassuteqartut tamanit pissarsiarineqarsinnaassallutik.

Ingerlatsivinnit allanit oqaaseqaatit

Oqaaseqaateqartoqanngilaq.

Siornatigut aalajangerneq

Sanarfinermut Avatangiisinullu Ataatsimiititap 4. februaari 2019-imi aalajangernera:

Ataatstimiiitap inassuteqaat akuersissutigaa

Ilanngussat

1. Ilanngussat ilanngullugit pilersaarummut qinnuteqaat
2. Inatsisartut inatsisaat nr. 34, 9. decembari 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

Punkt 05L: Kommunimut pilersaarummut tapiliusseq O9

Akuersissuteqarfik Qussuk/ Narsarsuaq, Nuuk

Beslutning

Aningaasaqarnermut Inuussutissaqarnermullu Ataatsimiiititap suliaq Sanarfinermut Avatangiisinullu Ataatsimiititamut utertippaa, tassani siunertaalluni Kommunimut pilersaarummut O9-mut tapiliussami illuaqqiortoqarsinnaannginnissaa aammalu suliap Naalagaaffiit Peqatigiit nunarsuaq tamakkerlugu ineriartortitsinissamut anguniagaasa 17-it malillugit misissoqqinneqarnissaa siunertaralugu.

Bilag

O9_Bilag 1_KAL.pdf

O9_Bilag 2 KAL.pdf

KPT O9 Qussuk_KAL.pdf

Kommunimut pilersaarummut tapiliusaaq O9 Akuersissuteqarfik Qussuk/ Narsarsuaq, Nuuk

Sukisaarsaatigalugu aalisartitsinissamut akuersissuteqarfik

Aalajangiiffigisassaaq

J. nr: 16.03.01.01-P16-8-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Siunnersuummi, kommunimut pilersaarummut tapiliusaaq O9 Qussuk/ Narsarsuaq, nunaannarmi immikkoortup ilaanik nutaamik immikkoortuligaq pineqarpoq, sukisaarsaatigalugu aalisartitsinissamut akuersissutaatillit tassani qissattaammik eqqalunniartitsisinnaassallutik. Sumiiffik katillugu 5 km²-isut missaani annertussuseqarpoq, tassa Nuup Kangerluani avannarpasissumi Qussummi/ Narsarsuarmi. Tammaarfissatut atugassianik immikkoortulersugaavoq, akuersissummullu ilanngullugu illuaqqanik anginngitsunik nappaasoqarsinnaavoq.

Suliaq Sanarfinermut Avatangiisinullu Ataatsimiititap novembarip 30-anni 2018 ataatsimiinnerani oqaluuserineqarpoq, ataatsimiititallu inassuteqaatigineqartoq akuersissutigaa Kommunimullu pilersaarummut tapiliusaaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Aningaasaqarnermut Inuussutissarsiornermullu Ataatsimiititap Februaarip 28-iani 2019 aalajagiinera: Aalajangiiffigisassaaq kinguartinneqarpoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Aningaasaqarnermut Inuussutissarsiornermullu Ataatsimiititap Kommunimut pilersaarummut tapiliusaaq akuersissutigisagaa Kommunalbestyrelsimullu inaarutaasumik akuersissutigisassanngorlugu ingerlateqqissagaa.
- Ataatsimiititap Kommunimut pilersaarummut tapiliusaaq Kommunalbestyrelsimut inaarutaasumik akuersissutigisassanngorlugu ingerlateqqissagaa

Suliassamik saqqummiussineq

Kommuneqarfik Sermersooq Inuussutissarsiornermut Nukissiuutsinullu Naalackersuisoqarfik aqqutigalugu Qussummi/Narsarsuarmi qissattaammik eqqalunniartitsisarnissamik sukisaarsaatigalugu aalisartitsisarnermut akuersissutinik qinnuteqaatinik marlunnik tigusaqarpoq. Tamanna tunngavigalugu Sanarfinermut Avatangiisinullu Ingerlatsivik kommunimut pilersaarummut tapiliussatut siunnersuummik suliaqarpoq, sumiiffimmi ataatsimik akuersissuteqartoqarnissaanik periarfissiisumik. Illoqarfimmi takornarialerinerimik suliallit isumasioreerlugit nalilerneqarpoq sumiiffik suliassamik tamatumingna sumiiffimmi ataaseq kisimi suliaqarsinnaassasoq.

Siunnersuummi, kommunimut pilersaarummut tapiliusaaq O9 Qussuk/ Narsarsuaq, nunaannarmi immikkoortup ilaanik nutaamik immikkoortuligaq pineqarpoq, sukisaarsaatigalugu aalisartitsisarnermik akuersissutaatillit tassani qissattaammik eqqalunniartitsisinnaassallutik. Sumiiffik katillugu 5 km²-isut missaani annertussuseqarpoq, tassa Nuup Kangerluani avannarpasissumi Qussummi/ Narsarsuarmi, sanaartorfioqqusaanngitsup iluani Immikkoortup ilaa O2 Inuilaarsuaq – Nerutusooq Avannarleq.

Kommunimut pilersaarummut tapiliussami tunngaviit tassaapput:

- Immikkoortup ilaa O9-imik nutaamik immikkoortuliornissaq
- O9-imi qissattarluni eqalunniartarfissamik (Salvelinus alpinus) sukisaarsaatigalugu aalisartitsisarnermik akuersissutilinnut atugassanngortitsinissaq
- Nunaannarmi naleqquttumik atuinissamik qulakkeerinissaq, aamma takornarissanut sukisaarsaatigalugu aalisariartunut pitsaasunik atugassaqaqtitsinissaq
- Sumiiffimmi pineqartumi akuersissummut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqaqtitsinissamik qulakkeerinissaq.

Kommunimut pilersaarummut tapiliussatut siunnersuut O9 aqqutigalugu illuaqqiorsinnaanissamut periarfissaqaqtitsinissaq, taamaattorli 60 m²-imit anginerussanani, ataatsimoortut katillugit amerlanerpaamik illuaqqat sisamaasinnaassallutik. Illuaqqat napparneqannginnerini inissisimaffissaannut ilusissaannullu tunngasut akuersissutaateqartuusumit/-sunit Kommuneqarfik Sermersuumut isumaqatigiissutigineqaqqaassapput.

Takornariartitsinnaanermut akuersissutaateqarneq ima paasineqassaaq, sumiiffiup aalajangersimasup iluani takornariartitsinermi nioqqutissamik arlalinnilluunniit tunniussinnaatitaasoq. Takornariartitsinermi sammisaqarnermut akuersissut pisinnaatitaanermik pigisaqartumut tunniunneqartarpoq. Suliffeqarfik sumiiffimik akuersissutaateqaleraangat, ass. kooqarfimmi, taava suliffeqarfik taanna sumiiffimmi pineqartumi suliamut aalajangersimasumut kisermaassisuussaaq. Sumiiffimmi tassani piffissami tassani allatigut suliaqartoqarsinnaavoq, ass. pisunneq, piniarneq, qaqqatigut sikkilerneq il.il. aamma najugaqavissut kuummut aalisariarsinnaatitaapput. Taamaattorli suliffeqarfiit allat inuussutissarsiutigalugu takornarissanut aalisartitsinermik tassani imaluunniit sumiiffiup nalaani ingerlatsinnaangillat.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivik isumaqarpoq Nuup Kangerlua (Godthåbsfjorden) takornarialerinerup akuersissuteqarnerillu iluanni periarfissarpassuaqarfiusoq. Kommunimut pilersaarummut tapiliussap suliarinerani Ingerlatsiviup sumiiffiup maanimiunit aalisarfittut piniariarfittullu nuannarineqarnera eqqarsaatigereepaa. Taamaammat ingerlatsivimmit aalajangerneqarpoq, tupeqarfissatut atugassiaasumiit sanaartorfioqqusassaangitsoq. Sumiiffiup torersuutinneqarnissaanut akuersissutaatilinnut piumasaqaatit sukannernerulersinneqarput, kiisalu akuersissummut attuumassutilinnik pilersitsinissaq akornutaassanngitsoq imaluunniit inuilaarsuarmi pingaarnertut pissusaanik allannguisoqassanngitsoq.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussatut siunnersuut kommunimut pilersaarummut ilaavoq, ingerlatsiviullu pilersaarusiornermut missingersuutaanut malunnaatilimmik sunniuteqassanngilaq.

Inatsisitigut tunngavissaq allakkallu tunngaviusumik uppernarsaatillit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq

Ingerlariaqqinnissaq

Inuussutissarsiornermut Nukissiuutinullu Naalackersuisoqarfik pilersaarut akuersissutigineqariapat ilaatigut ingerlatsivik suleqatigalugu sumiiffimmi eqalunniartitsisarnissamut akuersissuteqarnissamut neqeroorusiortitsissaaq .

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik allanik oqaaseqaatissaqanngilaq, aammalu kommunimi takornariaqarnerup siuarsarneqarnissaanut nutaamik pissanganartumillu suliniuteqartoqarnera nuannaarutigalugu.

Innuttaasunik peqataatitsineq/attaveqaqatigiinneq


Kommunimut pilersaarummut tapiliussamut siunnersuutip tamanut tusarniaassutigineranut atatillugu septembarip 20-anni innuttaasunik ataatsimiititsisoqarsimavoq, tassungalugu innuttaasut 35-it missaat takkussimapput.

Taakkununga ilanngullugu Pinngortitaleriffiup tusarniaanermut akissuteqaataa tiguneqarpoq, tassanilu inuit suliaat, attaveqaatit sanaartukkallu tuttuq siammarternissaannut ingerlaartarnerinullu sunniuteqarnissaat erseqqissaatigineqarpoq. Takuuk ilanngussaq 1 imm 7.1 aamma Ilangussaq 2 imm 7

Ingerlatsiviup nassuerutigissavaa Nuummi innuttaasut amerliartornerat inuillu amerliartortut Nuup Kangerluanik sukisaarsartarfittut atuilernerat ilutigalugu, kangerluk allannguuteqassasoq tamatumunnga uumasooqassuseq ilanngullugu. Tamanna innuttaasut tikeraallu amerliartornerisa pissussamisoortumik kingunerisassaatus isigineqarpoq.

Ingerlatsiviup piffissami tusarniaaffiusumi erseqqissaatigisimavaa sumiiffimmi Aatsitassanut Ikummatissanullu Aqutsisoqarfik soqutigisaqartoq, tamannalu sumiiffimmi takornarialerinemik ineriartortitsisoqarnissaanik soqutigisaqarnermut annertuumik kinguneqarsinnaasoq, tamatumunnga ilanngullugu eqalunniarnermut. Nunap assinganik nassiussisoqarsimavoq tassani allassimalluni, sumiiffiup qanittuani aatsitassalerinermut tunngasunik soqutigisaqartoqartoq, siunissami sumiiffiup sukisaarsartarfittut naleqarneranut pingaaruteqartussamik. Ataani nunap assinga takuuk:


Greenland Licence Map



19-10-2019 09:14:11

Towns and villages. All mineral and hydrocarbon licences

- * Village
- Town
- Minerals exploration licence
- Mineral exploitation licenses



Tusarniaanermi akissuteqaatini allani sumiiffiup innuttaasunit piniariartarfittut aalisariartarfittullu atugaanerata allannguuteqarnissaanut tunnganerupput.

Tusarniaanermi akissuteqaatit arfineq-pingasut pissarsiarineqarput, taakkulu oqaaseqatigiiliormi annikitsunik allannguuteqartitsipput, pingaartumik oqaatsit atorneqartut eqqarsaatigalugit.

Ingerlatsivinnit allanit oqaaseqaatit

Soqanngilaq.

Siusinnerusukkut aalajangiineq

Sanarfinermut Avatangiisinullu Ataatsimiititap novembarip 30-anni 2018 aalajangiinera:
Ataatsimiititap inassuteqaatigineqartoq akuersissutigaa

Ilanngussat

1. Tusarniaassummut akissuteqaatinik takkuttunik suliarinnineq
2. Tusarniaassummut akissutaasut tamarmik
3. Kommunimut pilersaarummut tapiliussaq O9 Qussuk/ Narsarsuaq

Punkt 6: Taasariaqartut allat

Beslutning

Jens Kristian Berthelsen (S): Peqatigiiffiit tapiiffigineqartarneranut tunngasoq. Tapiissutininik allannguiniarnermi ajornartorsiuteqartoq nalunaarutigivaat.

Charlotte Pike (IA): Oqarasuaatikkut attaveqaatit pillugit. Ittoqqortoormiini oqarasuaatit atassutaat ajornakusoortut nalunaarutigaa.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17:08